

東洲艸堂詩鈔



02292

東洲艸堂詩鈔卷四

道州

何紹基

子貞

壽李燮亭太翁八十已丑

羣松秀高岡皆帝所鬱蕃一松獨喬壽眾幹如兒孫世人昧所  
由企歎相踰躋誰知寸牙初早抱萬氣元燮翁躬耆社詎以庸  
祺論我昔侍杖中竊睨諸穀根物情洞蕃變論史詞浩渾條然  
神骨中獨有確者存匪貧絜而削匪榮臚始敦造物不能傲百  
社來雲騫平生好博濟肥士多被恩固所抒揮然而豈其壑源  
華筵介八秩嵩衡傑峻嶒我言比潢潦挹之侑康尊

書黃支山學博吹香亭坐月圖後

大千清氣空古今白月一照常冷洽遂合吹香亭畔看月老遠  
與屈子同其醒爲娛覽揆隔宵至山光招客何娉婷垂崖絕

東洲艸堂詩鈔卷四

恣孤賞山醪苦茗皆忘形夜淡人定歌嘯作驚起嶺月來亭亭  
江聲十里走如雨長空一碧寒不星若有人兮蹇夷猶荷衣艾  
佩紛揚靈脩然意感鳳鸞下仿疑樂奏魚龍聽烏乎嘻空山人  
迹不易有明蟾夜夜流光熒春風不到洞清谷不聞蘭芷忘芳  
馨胡爲先後息心士兀視萬古悲流萍矧余行履爛江路十年  
麓寺才幾經榻來長安遇黃子讀詩見畫神一惺願將遺響託  
騷韻要使江頭峯再青

鄒道元水經注所謂息心之士多萃於此者也

寄吳鞠裳南陵

人言衝劇宜遷官我謂好官先樸閒羨君別我忽萬里一烏紗  
外是青山青山修濯春雨箐霧蠻煙皆嬾嫵朝寫百幅供色  
養莫詠千篇當治諧山中童子初受經求公醉帖來公庭愛公  
讀書好風調有子學賦歌雲屏誰家老農涉官事失卻耕牛煩

處置攪公一夜眠不得比似苦吟爭半字

寄懷王魯之濟南

離華一別今五年昨夜故人同入寢我慙故紙活春蟬君被名  
縑繫仙鳳高堂猶聞未白髮更喜聯吟偕伯仲攜兒索古走鐵  
廟共友搜詩醉龍洞放壑春流脫幽險撐天梅花出僵凍須記  
兒時三寸書終看大厦千尋棟且當學道資餘糧莫歎一官如  
敝甕

錢武肅王投龍簡歌爲周子堅作

不圖銀簡今遂燬尙餘鐵券臨安里鐵券雖存我未見醉眼冰  
窗逢此紙九百有二年歲經百七十九字畫清上言山河統制  
久民安俗阜帛物平下言元恩合醮謝名山洞府祈祝誠獨龍  
昂頭簡首擎恩威在顏寒且崢忽西忽東鱗爪現時空時落雲

東洲艸堂詩鈔卷四

一

濤傾洞庭東臬投龍處此日真龍竟何許百年沈陸笑中原萬  
相陰奸盤水府我王不帝東南州錦衣者是真龍游淮浦銅鈴  
掣羅網江邊鐵弩奔蛟蚪竟藏頭向七帝更拜雲日輝三樓  
卽今書銜稟梁詔天下元帥班尊優太師常秩不署錄中書尙  
父王錢鏐爲民折節乃大計佞佛祈福益有由聖主愚臣且非  
媿大道弟子夫何郵寶正三年三月吉是時王年七十七花開  
陌上蛾眉老枕警牀頭星漏疾何須苦祝壽齡遐九九數終八  
十一二月十六壬申歲記取錢王好生日錢王生是英雄人玉  
帶名馬皆精神羅平妖讖迹如埽斗牛王氣天常春咄哉史筆  
空嶙峋片善不錄爲世珍壯老撫國子及孫豈得不有義與仁  
寶石封山紀年號大樹衣錦稱將軍貴人侈大信有此例以淫  
暴知匪倫英姿嗜學亦無偶功臣堂開盛賓友文通家學坐幕

下昭諫晚來居客右金沙繡段助裁紕越水吳山恣吟取飛騰  
巨擊壓芝筋呈露鋒鋌擅碑首崇福祠語記迥鍊排衙詩刻筆  
翔走試看元祝言有文進窺書律法無苟濼嚴遠過元和脚仿  
佛卻出名王手昔人丐福同銘功匪利可鑠斯無窮摩厓造象  
迹難朽鑄金鏤物計豈工寥落隋家寸金佛子遺唐代雙銅鐘  
寶茲片簡能幾何出水入火頃刻中早知剎那付烈燄悔不萬  
載藏珠宮噫嘻乎當年霸業隨東風矧此物化猶轉蓬君不見  
黃巖澤庫沈鐵券後百餘年還厥宗又不見金塗萬塔忠懿作  
焚夾變相煙塵空宋明之際或頗出姜蔣而外誰更逢願君護  
此等重壁又恐變滅如神龍何當與子狎高浪更覓浮屠東海  
東

小園秋色用太白尋陽紫極宮感秋原韵兼效其體

東洲堂詩鈔卷四

三

秋光滿園落晨氣濯松竹清風吹我心浩盪不可掬蒼然一林  
迥中有鶴立獨仰看天宇高自抱幽柯宿時運有代更榮瘁不  
襲卜晚花寒始秀流水往而復畦蔬正盈把杯淥亦堪覆白雲  
日卷舒靜者觀已熟

紅葉二首

以紅寒二字爲韵

參差眾綠已愔愔天入初寒見畫工萬穉漸肥霜後色一山全  
占曉晴紅人棲古寺題新柿秋寫遙村醉晚楓訝是江南春信  
早汀洲應誤北來鴻

敲垂蒲柳望秋殘老去文章絢爛難卻訝枝枝如錦灼纔知葉  
葉有心丹元根醞釀春前足萬丈光芒劫後看誰似山頭古松  
柏參天黛色不知寒

大雪用坡公聚星堂韵兼效其體

天宇倒垂雲四葉霧結煙消乍飛雪日望瓊樓儻可到昨夜東  
風吹路絕起聽一林凍雀語臥歎窗前枯竹折時有長亭短亭  
露已誦千山萬山滅我思膏澤兆豐年天公神柄誰敢掣奈何  
昨歲麥無芽坐遣愁民眼生纈只今陋室鋪瑤華卻笑豪家裝  
木屑杯酒無餘太酸冷殘鐙獨把明飄瞥何當嘉頌侍臣陪瑞  
語淋漓粲堪說不然醉徹西山來馬上賦詩袍植鐵

送吳蘭雪丈之官黔西州

庚寅

澈翁澈後道緣溪猶爲梅花日苦吟老去一官清勝鶴集成千  
卷韵於琴浮生飽看中原月絕徼來搜太古心路人龍岡讀書  
處快攜遺墨證幽尋

丈藏陽明先生墨迹

烏江西去鴨池迴立馬晴雲鬼箐開崖寔治邊方最績文翁勸  
學廣陶才政餘讀書千峯雨別後看花萬里杯我有吟情早飛

東洲艸堂詩鈔卷四

四

越從公山水窟中來

柳絲詞送周子堅之粵東

楊柳千萬絲織成游子衣游塵不敢浣寸寸是春暉

黃琴山出示宋元人墨蹟十六札錯綜之爲短詠

東坡有何媿畏鄮峯已近鄉關穆父喜人歸臥數文自詡投閒

東坡 錢穆父 史直翁 米元暉

晦翁未效阿瞞上子固不爲魏公昂子我疑仲穆有感何來提舉

書空朱子 趙子固 趙仲穆 書宋人司馬迪小詞首句云委木錢塘江上住 孫仲益 未應咄咄左書空 鴻慶集中

也句

西山定不艸艸瓦注漫詫廉夫和尚枉勞覓贊外史何嫌不儒

真西山 楊廉夫 中峯和尚 張天雨 郭蘭石 太史跋廉夫一札有瓦注語 子昂中峯像贊云索贊不可得爲師作贊

竟

鵝梨正換艸帖新茗定稱江瓶欲從金谿注孟還聽伏生授經  
虞雍公 李 韓同卿 陸金谿筠 董 題伏生授經圖詩

周子堅鈔杜詩於江南手集評語朱墨爛然忽失去今  
三年矣余得之於廠肆因以歸之時子堅將之官粵中  
故寫四句

紅塵一卷有珠還萬里浮雲又別顏好憶江南寫詩地烏篷閒  
煞六朝山

題吳璋畫瘦馬

世人畫馬不願瘦但愁少肉時難售吳生畫馬能不肥更寫病  
骨觀者啼天寒木落艸路窄神駿昂藏我尤惜  
天閑方詔貢驂騑望眼空山月光赤

劉萼樓得子招飲

東洲艸堂詩鈔卷四

五

劉侯翩翩壯且都北走上國挈婦俱瘦羊頻年頗耐食旅鶴一  
夜聞生雛下爲門楹守書本上爲王家供賦租居然遣奴告儕  
偶一笑敢謂兒私吾試唬相與說英物墮地早已知名駒莫學  
乃翁自喜拙年過三十一腐儒腐儒呼客妙得侶山襟野抱來  
于子羽觴爭飛劇流水蒸鴨亂啖如瓠壺更出寒句破炎暑亦  
挾談語忘莊妹從今湯餠須記我年年生子皆丈夫勸客大醉  
早歸去劉侯孀賢今已劬尊公應破萬里笑蒼松快見孫枝扶

六月十二日賦贈李小坡

坡兄律已有繩尺攻恥厥躬俗遠屏中年誦書要精熟明窗作  
字戒馳騁問君何法能謹此庭誥書紳每三省卽看賓館雲意  
閒不殊子舍曰華永我昔登堂拜而翁長松百尺波千頃精神  
迥絜轉夷易詞語暄和卻清耿寒潭古水澄不驚溪山老鶴夜

逾警固宜有子如坡兄比似大璞必懷瑛卽今行年六十二聞  
道綠髮尙垂頰羣季能爲捧觴樂一兒但望著鞭猛富貴雖非  
悅親具絲衣須稱紅綾餅我從別翁今兩年喜得與子長合佞  
通家竊幸比融膺同邑未應歧鄭邴且看新竹照溪磯卻睇明  
霞浮遠嶺知君連日廢循陔令我南賊共延頸何當歸醉劒塘  
月尋碑更刺涪谿艇

君家劒心塘  
去涪谿最近

### 伍香皋隨扈秋獮圖大人命代作

國家立法揆奮該

聖人曰攬文武才木蘭秋獮乃歲舉從臣例手彫弓陪伍君下  
馬行殿立翩翩風度清無敵膠豎滿月快橫秋激矢吟風驚破  
的

至尊一笑雲日光冠影翠羽看輝煌是時魏貅七萃士踧躅不

東洲艸堂詩鈔卷四

六

敢誇身強輒裘使馬猶如昨倏爾芝田杳翔鶴卻嗟逝水未華  
顛更愴新霜凋棗鄂扈蹕卻憶

先皇年

小臣

屢亦瞻旂旃披圖恍覩瓊盛寥落詞人羽獵篇

### 伍春嵐聽濤樓圖

我欲巨壑聽笙鏞豈能拔宅滄波中壯哉一椽俯萬松午枕醉  
愛懸濤春四山颯颯風響急咫尺卻愁窗几溼諸天靜氣誰得  
知詩人側帽樓頭立

### 題谷愛秋鐙課讀圖

漢唐經師通治體長安魏郡推兩谷就中諫議經庫延賢孫倚  
相清芬續翁孫佳話乃有繼一鐙紅絢出渙竹卻嫌短檠眇兩  
眼長檠與照羣兒讀官閣泠泠政有暇瓶水汨汨聲滿屋昔人  
課兒究條理鼓篋貴精炊務熟於今學者大不然麒麟在檀珠

去檳諸君莫笑老翁癡舊德門庭萃簪戟

奉題癸丑翰林同年雅集圖大人命代作

是科值何歲乾隆之癸丑是圖始何年嘉慶之癸酉中間二十載名位競騰蹂英公最先陟密勿贊襄久師齊先生昔與匹早譽溢江阜鳴鳳魁

大廷搏鵬羝北斗翩然請歸養綵舞娛眉壽十年返

朝列重望成耆耆當年錦袍客此日黃髮受平生忠孝性論思期不朽瑩瑩鏡古錄箴誥森座右炳炳司文星光華照林藪卻顧後來士苦憶同年友晚望各雲天諧笑記誰某懷哉曩游樂倘仿如中酒昨來勤語我慙赧滋下走瞻言數仞高況又六科後竊看此圖畫古意發彝自槃槃寫泉石娟娟媚風柳中有蒼松蒼身高節無偶想見立

東洲艸堂詩鈔卷四

七

朝心風力晚彌厚舊圖何日見跂望長搔首照齋師始作見圖而先生續撫之

敬題僊瀛雅集圖

乾隆癸丑春和翔振古福壽歸

純皇瞳矓

堯曦絢霄堦照耀四海成文章

大廷一鳳覽輝集鸞鸞接翼來踰踰鬱然奇才應元氣羣挺天秀爲

國祥至今佳話畱館閣緬想盛會儕黃唐後來圖中廿三老弈弈楨幹兼珪璋內陟清華躡臺閣出領封甸宣紀綱迴思登瀛昨日事蕭然裳佩同一堂喬林入雲石交峙流泉出山波始長儒臣風度名士樂懷抱冰雪聲琳瑯雅集流連託琴研台人撫企如繇蠶西涯勝賞未應獨東觀妙事吾能詳從來碩器重晚

節匪僅翁壽

邦家光蓬山瑤艸爛無數長松千尺參天蒼

題仲弟畫送楊鑿泉丈出宰瀘谿

竹山娟好魚山青兩山對起雪英英泉飛樹竦壁鐵色中有萬  
古虞琴聲此邦匪獨山水絕民慤士茂如武城定知畫理不到  
處待公閒暇來歌評我聞公家川上堂水田環注屋百楹瀉瓶  
恣聽幼子誦鼓笈坐見春畦耕此閒風物乃大似先生一笑吏  
隱并卻盼征途馬蹶疾已覺山色眉隅橫何時南去過瀘上從  
公拄杖看山行

送楊子安隨任瀘谿

大江南北屢沿洞今日瀘谿谿上來笠屐從翁入圖畫雲山如  
此費詩才五年碣館吟邊劒九日黃花別後杯莫羨馬當風送

東洲艸堂詩鈔卷四

八

客中流一櫂穩徘徊

送陶書樵歸保陽

大地積雪天有星夜來山色晴不局游人寢到倚閭處寒意乍  
脫春亭亭余獲識君今五稔羨君長余才一齡縱橫文史川人  
海兀睨今古渭與涇君如洪鐘負萬石我發其響持寸莛況有  
英英二三子各尙奇偉交忘念形明知久樂種離別且斟時光同  
醉醒古來高官出幕府或由諮議登王庭祇今青紫萃科目蘭  
生谷中誰薦馨惟當得米走奉母更待寫韻歌添丁瑤源澄滋  
流不濁冬嶺赤立春須青浮榮絆身我未羨拙語得理君當聽  
守身承歡保金玉此妙不繫昌與荅相看別後滿輪月且盡今  
宵雙玉瓶

賦得柳絮

七律二首以飛花爲韻

隋隄新綠上腰圍飄絮無心亦化機搖曳偶然迎日起輕盈也  
解順風飛波晴乍可供鷗禡露重還應颭蜚衣卻問短長亭畔  
路緜袍方送故人歸

團團飛徧路三叉未倩東風紡織加一任兒童閒捉摸妙空依  
傍白橫斜翻來白雪文章麗看到浮萍悟境奢何處漁舟纔歇  
鷓錯教涼簾入蘆花

賀修吾黃鶴樓搏泥小像

空江鷗鷺寒相呼仙風一去何由摹醉我如泥不用扶以泥作  
我猶形模卻知放蕩軟紅界自有不壞黃金軀請君迴環引鏡  
照修吾一笑吾非吾

題裕餘山方伯湘江送別冊子

民愉官吏愁官悅士歎呻醇風旣已遙大吏難爲仁問公有何

東洲艸堂詩鈔卷四

九

術歡徧官士民側聞父老言事業只一真我未覩公面想見鬚  
眉春皖國噉鴻多撫字方勤辛無念湘中清波日鄰鄰

集杜詩十二章賀果勇侯西征凱旋六旬壽

代魏默

其一

丹青照臺閣磊落見異人高宴諸侯禮騫飛報

主身廉頗仍走趙耿賈亦宗臣老去才難盡來經戰伐新

其二

拓羯渡臨洮西山白雪高衛青開莫府凜苑入旌旄鬱鬱星辰  
劔熒熒金錯刀尙思歌吹入歸及薦櫻桃

其三

頃壯戎麾出神兵動朔方望公如望威禽賊先禽王青海看傳  
箭雲臺引棟梁濟時瞻上將歸馬華山陽

其四

弱水流沙外鉤陳出

帝畿君隨丞相後虜其名王歸茅土加名數來朝大將稀霜天

到

宮闕擁別有光輝

其五

畋獵舊非熊清秋鶴髮翁公來雪山重畫列地圖雄勛業頻看  
鏡天山早挂弓豈惟高衛霍將欲倚崆峒

其六

收取舊山河開邊一何多羽人掃碧海元帥待瑯戈自益毛髮  
古還聞賓客過封侯意疏闊筋力定如何

其七

東洲艸堂詩鈔卷四

漢衷見士卒豁達披心肝灑落

君臣契蒼茫舊築壇萬方頻送喜每日報平安主將歸調鼎千  
門立馬看

其八

志在麒麟閣兵張虎豹符聰明過管輅戰策兩穰苴好武甯論  
命書生道固殊丈夫誓許

國壯士恥爲儒

其九

大樹日蕭蕭青松自後彫熊羆載呂望異骨降松喬鳳紀編生  
日龍泉必在腰丹心老未折應拜霍嫖姚

其十

歸到又春華銀壺酒易賒風塵三尺劔兵法五十家不願論簪

笏坐着靖流沙每聞戰場說細細酌流霞

其十一

稚子亦能文休看白髮生

恩榮同拜手僕射如父兄自古求忠孝終身荷

聖情別來頻甲子旅食歲崢嶸

其十二

昔在嚴公幕杜陵有布衣看君話

王室妙略擁兵機破的由來事元戎決勝威稍酬知己分欲報

凱歌歸

刈麥

麥長望雨足麥熟要晴乾晴餘得小雨刈穫功可觀繡隴漸露  
土黃雲堆作團兒童亦何事爭拾秉與秆風晚刈少息父老慰

東洲卮堂詩鈔卷四

十一

復歎人知南岷勞終歲泥濘閒不思北人苦地燥力枉艱水利  
既儉嗇麥氣易凋殘去冬苦不雪春霖迴枯寒初夏旱可虞晚  
益澤未慳根萌偶鬱闕稔實難堅完猶喜獲過半粒粒天所頒  
迴思連歲豐兒輩習飽餐今茲詎非幸畜積思艱難天功豈強  
邀人事粗可安明晨勉早作白月茅檐端

銅鼓歌

銅鼓之制何茫茫蜂腰驀足不可詳張公好古恨生晚移傍周  
鼎焦山菊焦山下臨江水白江光海氣長蒼涼此鼓不鳴亦不  
叩虎豹蹶躑蛟龍藏古人軍中示威武作器銘功有規巨瑯戈  
一字出商家獵碣高文齊岫嶁龍伯有戟何伯槍永昌之椎太  
和弩胡爲此器獨樸屬不留文字形模古伏波東武皆渺茫以  
物附人嫌莽鹵擲聞嘉量鼓有制四石能容陋區釜禮經獻米

手有操晉人賦鐵典堪數軍中貴兵尤貴粟用之如何無不許  
誰期空山鎮寥落闔闔無聲臥寒雨鍾魚粥鉢正喧闐誰歟有  
意勤摩撫

舟中卽景八首次胡仲安韻同子敬弟作

辛卯

船窗初日

舟行早起做疏窗浪影玲瓏動一江水國陰晴占曉霧殘春風  
物似鄉邦爭迎旭景漁榔集亂點晴煙燕語雙最愛晨光迷向  
背篷根百折趁回瀧

波心明月

扁舟竟日在江心舟影從風靜若琴乍掬滄波逢皓月不知圓  
魄出遙岑全收薄靄清千里靜看新秧露萬鉞世界光明人不  
寐遠天鸞鶴有餘音

東洲艸堂詩鈔卷四

十二

天末晴雲

春後青山苦不晴桃花村落滿鳩聲快逢霽色明遙浦薄散微  
陰覆古城石氣騰空閒化鶴瓊樓何處夜吹笙看雲怕讀愁霖  
賦飽聽人呼癸與庚

上水  
大水

江浦長風

不敢貪天強借風無端譚笑別江東片颿直送千峯影一日能  
爭半月功鵬路少年矜早貴馬當詞客壓羣公萬緣無定終歸  
定坐對平山靜撫桐

涼宵命酒

淡宵涼味聚疏燈酒國強臺許共登星斗招邀樽底落煙雲圖  
畫醉中能小窻風雨天催別獨夜瀟湘我亦曾棖觸江湖十年  
事古懷今抱總春冰

伏案圍棋

篷底楸枰乍合圍送春天氣汗沾衣晴村野鳥時窺局靜夜江  
神許叩扉雲意嬾時人意捷雨聲喧處子聲稀凡才漫逐中原  
鹿從古邊隅好建畿

明窗小楷

舟行搖兀妙宜書小字行行比貫魚半幅風颿毫動處十分春  
氣墨香初長須黠鼠鋒爭健宛頸谿禽擊不如真逸畱銘遲再  
訪笑同弱水阻飛車

擊楫高歌

句子推敲日細哦謳吟聲韻貴平和凌雲頗有真人想破浪聊  
爲壯士歌遠浦高風來鶴鶴長江暗浪伏蛟鼉淵淵金石中流  
發漁父驚聞出芰荷

東洲艸堂詩鈔卷四

十三

答楊紫卿

別時不思見知有會合時見時不言別知有別離期婉婉十年  
交堂堂千載思新篇忽披示懷抱轉幽奇示我窮通義共葆歲  
寒委君看日月行災咎有時雁山河水潦多積漸多遷移頗疑  
乾坤性難以堅固持矧彼艸木質詎救柯葉衰人身粒米細造  
化所綱維精神一摩拂風雨若追隨窮通各有責遠近理無歧  
秋風厲以清颿颿動書帷宵枕積萬感晨樽無一詞隔巷聞書  
聲羨汝應門兒相顧意將別讀畫且論詩沈懷滯陰雨去去湘  
之淵願言加餐飯潤澤膚與肌我行首京雒自歎衣塵緇登高  
夜南眺念子寒與饑

楊紫卿祝融峯觀日出圖

楊侯數年不相見百賦千詩日豪變秋宵示我觀日出圖奇霞異

浪來相絢蒼然鬱儀一老翁獨抱純精東海東曉起一沐八瀛  
隘大鏡照出青芙蓉芙蓉浮紫雲繞詩人翩然化朱鳥天風  
微動夜氛淨靈氣同斟太清表我聞日馭無終始半行地上半  
地底好乘烏羽狂虞淵更逐羲輪出蒙汜游蹤忽徧東南隅浪  
浪海水不可募祝融仙人頗相憶峯頭雲意常模翻我心悠悠  
似明月獨夜空山想白日起滅萬象中有赤安得初陽一照能  
成實

辛卯重陽在長沙登天心閣步游城外歸觀鄧子與陳  
迺錫兩先生詩墨卽與子敬別兼呈沈栗翁鄧湘翁楊  
紫卿陳堯農

寒波一夜生清湘天意引客揆重陽離思著人不可謝有似萬  
木城城合新霜同人試登最高頂一氣直上如翱翔南望斑竹

東洲艸堂詩鈔卷四

十四

吾所鄉北來鴈書不得將爲君東指海雲處青山影盡連空蒼  
忽歛奇懷問歸路但見荒邨古屋樓斜陽何來塵積發古紙合  
我眯眼驚虹光陳公艸堂句凌亂鄧子方外吟淒涼

聖朝寬大活遺老幽壑不艾蒼松蒼遂合狂文破筆恣雄怪至  
今白雲長護名山藏咄哉奇賞絢嘉節乍覺百世如同堂醉呼  
阿連更酌我爲我別淚淋漓浪黃花雖未插吟帽諸君亦可滿  
此鴈請看蘭芷異時節豈有臭味殊芬芳惟有城南碧血掩黃  
土屐痕不到別後心旁皇擬至蔡公墳未果

次韵胡蓀石捫蝨

胡子輪囷抱奇氣胸中經緯有剛柔難禁技癢日捫蝨忽聽聲  
歡如中侯且得吟身清淨法兼懷鄰枕蔓延憂何時活國藉君  
手一翦西方蜂蠆休

與晏筠唐楊杏農胡蓀石同作用坡公監試呈諸試官  
韻時在江西舟中

洞庭蟠水府，衡雲推石廩。蓋壤鬱精英，流時各承稟。延千由  
旬浩浩，幾年稔人材。乃萌芽清氣，共掬飲大才。壑源深小技，餘  
波瀋譬如同。礪金精粗有殊品，又如其畝地，擷芬列葵荏。根抵  
豈能別臭味，須互審何期我輩。偕膠漆亦云甚，賞駿遲良樂。懷  
奇粲珠錦，惟當勵切琢。庶與滌沙礲同舟，幸夷猶泥履免蹕蹠。  
時惟冬之孟，石瘦山色凜。沈陰日潭潭，洞雲歸淪淪。遠林如枯  
鶻墜果，訝熟樵山風。颯然至飄烈，到巾衽。噫嘻水國災氣惻，  
皇帝朕發粟，詔屢迫流民圖。可諭而我竟，何能篷底事。煎飪飽  
食類，侏儒敲詩慙。宋沈風颯曉已疾，藤牀午多寢。山靈如良工，  
謂我不可餒。思之一起立，心喟舌已噤。汲汲趨庭闈，晨昏勤席

東洲艸堂詩鈔卷四

十五

枕時延二君同往家  
大人浙學使署

衢州舟中卽事與晏楊胡三君子限韻

灘多船愈疾，天寒酒能煖。白日馳不迴，古意森欲滿。冬嶺看逾  
積，客路翻詫短。何期乍遲滯，篷底若門館。雜沓走三老，喧呼集  
吟伴。前山岸然來兀若，一臂袒高林。乍疑前平踞，復忘悍遲雲。  
走閒閒，白日照坦坦。雲隨去鳥遠，浪笑栖鷗懶。我舟忽閣舳，別  
舸擬飛笥。而余方頽然，狼籍守杯盃。盃扶牀，恣吟臥隱几。劇蕭散  
狂風，挾颿起沈雨。鬻纜斷中懷，揚波瀾靜志。肅圭瓚急浪，戒爭  
篙名關，慎持管急。踞得夷易前路，庶延纘忠信。良可憑不濟，古  
亦罕須臾。風勢卻波意，如漱澗青山。欲吾泥我又不能，緩亭亭  
子陵臺郵程行可算

舟中盆菊用坡公李公擇梅花韻

年年盼秋至黃花使心動  
萃甲已先賞爛漫有餘弄  
今年客長沙大暑吟筆凍  
霏塵沙揚簇簇浪藥園淒  
風吹文字大月照賓從金  
英入吾思幽癯夜屢縱秋  
句有蟋蟀萬里憶吾仲賃  
屋無東籬芳心豈自貢行  
程與天遠秋心載船重踰  
山見平川聽鳥得異畹一  
枝驚旅鷓三友忘曉諷自  
聽榜人歌難辭羈士痛衣  
寒帽側管橫怨琴彈雍皎  
然出風格使我靜睡癯遙  
思淡山空茂護萬本種秋  
香破屋廬如驥不可韉何  
爲孑然植邂逅游迹共層  
淵孕奇珠千仞下孤鳳晚  
香霏漠漠古意懸洞洞敲  
篷如短籬爲君掀酒甕

船頭菊

波濤立風中鷗鷺不敢浴  
船頭有幽花意在巖谷金  
英纔數枝縹葉森一簇白  
日來晶寒輝輝忽相燭光  
明本無私晚節非自暴山  
葉被霜欺正色失紅綠紛  
紛竟何爲偉此獨立菊

東洲艸堂詩鈔卷四

十六

橘

人心如春雲所至不可畫  
嗜好遂歧異江水瀾九派  
胡爲獨嗜橘若疾無由瘥  
得枚喜擊圓啖半忍棄敗  
去膚見絲理畱核有餘嚼  
吾聞古志士志節喻孤介  
頌美定非諛奴多亦可戒  
余獨戀口實飽啖不能殺  
脣乾拯午渴氣猛忘宵歎  
酒佐脫秋寒客酣助談快  
人生取與性甘醜互售賣  
汝味乃一致兩者無可界  
有時近苦澀俗腸更增嚼  
吾意乃非然採馨先去隘  
緬思錫貢義更占木果卦

敬次大人韻望母舟未到

衙齋澹如許忽若忘塵闈  
修竹靜自鳴寒雨過復還  
應將八詠句破此三冬閒  
北望有風雪欲上南屏山

天欲雪用坡公臘日游孤山韻

雪未落冰生湖前山十里望欲無朔風浪浪振林谷作勢乍入  
寒雲呼先生梅鶴為妻孥竹鑪紙帳差可娛田家未免望滋液  
吟腸亦復來鬱紆凍月破雲光到廬欲出不出明已孤飛煙忽  
疑挂庭樹袖手猶似披茅蒲咄哉西鄙乘障夫鏤歌奏凱臨朝  
晡此日旋戈萬里走來思雨雪誰能圖我今一鐙風翦餘蒙頭  
高臥心蓬蓬作詩待雪如待逋長空似墨何由摹

寄子毅子敬子愚弟時毅愚奉母出都子敬由湘中來

浙壬辰

春風不知處魂竈逐迢遙已傷清江艇還飛湘浦橈茅書三地  
鴈海信一鐙潮想見波濤上同時各寂寥

次韵答陳九香

東洲艸堂詩鈔卷四

十七

憶讀三寸書已負萬古債常虞子然身於世等疣疥文章本元  
造客氣易矜快孰令八代後日見九州隘陳君偶然來南行一  
颿挂示我近游詩吟瀾恣澎湃坡谷呼可作施宋詎足邁雪中  
河北走凍色漬襟帶春初江漲縮大舸落溝澮郵程遂踰期詩  
課乃稱最慘澹詩人情俛仰別有會岬裁出苦語淚滴酒杯外  
懷古劇蒼涼題山肖奇怪況兼求友心賢豪必針芥臭味出眞  
樸毛羽任豐鍛奇哉逢二子嗚理別後語與燕石杏  
農皆舊交諸君亦激  
昂詩語互炙膾肝膽如春風一夜罔不屆梅花太無情行李又  
當戒推篷試東眺溟渤納萬派不竭靈源靈有此大水大古人  
堂堂去精氣不可畧與君竟追逐莫作望風敗

王亮生蓬擁書圖

空山兀兀松梧淡千年百年霜雪心世人不到厓谷寂遠籟猶

作風濤音看君此圖時尙少隱几忘言秀風貌瑩瑩吾目覽八  
極涓涓古心涵萬妙年過四十日然鬚吐哉漆室聞長吁晨宵  
憂樂在天下一卷踟躕平準書  
君著有鈔幣解言

讀汪少海丈

鑄錯真成一笑休當年踟躕古杭州濤頭不敢窺三版詩筆猶  
應迴萬牛料得歸心滿岷蜀爲余圖畫說滄洲寢醒日出人何  
處急水灘前幾白鷗

台州試院和陳九香韻

海邊天色幾曾青一笑纔逢雨脚停下澤未回春後凍好山都  
似醉餘醒百年父老猶餘歎昨歲波濤我未經吳楚茫茫入吟  
寢且看白月滿閒庭

寄杏農

東洲艸堂詩鈔卷四

十八

學子衣帶緩先生書策尊何當春雨夜聊把酒杯溫水竹有情  
性僕童忘語言多應念朋舊別緒滿西園

河閒獻王君子館專及開元寄字瓦歌爲苗仙露同年  
作時應秋試至都

穆穆君子專蒼蒼開元瓦印林拓贈今幾年今日才識苗兄者  
苗兄苗兄今經師譚經寫韵人呼癡專瓦無言古心印晝以爲  
友宵寢之獻王之賢古來少開館延儒親簪埽山荒石突幾千  
年一僣猶因君子寶開元初政亦重儒大小經仍願學徒片瓦  
茫茫欲何寄曲江北海疑相呼祇今殘當破整收遺缺關洛揆  
珍到吳越朔方但有古長城秦時塊貯今宵月何期二妙都歸  
君古光長照秋嶙峋黃金臺下駿馬骨待君拾取從荒榛

汪孟慈農部招同楊季子陳東之王□□游二閨

孟慈時以

倉差於開口行館奉母舟中宴罷  
出紙索季子東之及余書甚暢

蘆花瑟瑟柳髮鬢冷客招來恰兩三十里水光明郭外一船秋  
思到江南陔華別有官居樂煤窮偏宜野趣酣難得篷窗煙雨  
裏乾嘉文獻滿清談

顧南雅朱芾堂兩丈爲張淵父畫梅皆有詩淵父皆疊  
韵荅之余爲書後亦用其韵

淡秋風葉如雲委家家埽階呼童子世人都有歲寒意是誰堅  
臥冰雪裏張揖本是淡山人鄉思向人不可已屋小如舟書滿  
牀翛然梅花森兩紙冬霰欲零君未知春風時來花不喜清香  
墮壁入我懷吟聲出廬掩鄰耳卻懷顧老鐵石性不共年華付  
流水朱翁雖貴筆逾冷凍研醜顏將老矣蒼雲茫茫天不晴紅  
塵紛紛我稽此歸心如月滿茗雲湖上梅花正清美把君詩句

東洲艸堂詩鈔卷四

十九

到江南持詫王陳定誰比

謂王亮生陳九香時在浙署皆淵父所善也

淵父以南雅丈畫梅見贈以詩先之復疊韵奉荅

髯張情性如梅花能識花中古君子竭來示我詠梅作清芬十  
日懷袖裏顧翁詩畫我所愛齋壁屢見歎未已髯知其意笑莫  
逆移贈谿影翠羽依稀喧客耳想見擎寒潑筆時屋突山空天  
仿佛動谿影翠羽依稀喧客耳想見擎寒潑筆時屋突山空天  
似水新篇白戰氣未慄一歎俄成廣陵矣雪泥過眼乍今昔畫  
妙通靈誰彼此髯詩作媵態亦濃合併回環看逾美銜杯更讀  
朱老作韵事定應坡谷比

荅昨詩意

題張淵甫靜觀齋四圖

卻掃讀書

平生千載志兀兀掩柴關屋廬何必廣蕭然天地閒萬物日閒

寂往哲勤躋攀開軒一清眺白月四更山

停琴遲友

所思在何方煙霞滿林藪願爲琴上弦時時縈玉手芳春易銷  
歌沈思感其偶獲鶴爲我愁空山獨立久

春郊縱收

城帝亦何喧襟帶乃自縛但願爲牧童嬉游恣林壑瞥見西山  
紅上山尋日脚無作多牛翁生計減歡樂

山居種樹

物化隨日澆雨露乃滋養先生屋底眠大樹山中長鸞鳳巢其  
顛靈芝巨如盎靜觀生理足秋氣接蒼蒼

宗滌樓湘江迎親圖

湘上山無沙土痕湘中水無鮫鱔渾丈人笄年宦游處巖雲浦

東洲艸堂詩鈔卷四

二十

浪今猶溫丈人一官竟止此湘山淒頽水驚駛有兒奉母僑其  
閒湘山愉愉湘水環公車書劍風塵走兒暫得官走迎母朝聞  
兒至湘水怡暮聞母去湘山悲止愁官卑祿亦薄恐母爲兒減  
歡樂母言兒且走應官夜來湘水春方瀾

勞又峰藤窗懷舊圖

藤之華何彼此懷伊人不可已江湖白風雨起結纏綿通古始

宗滌樓天養適銘

順天之生是天所養或牯厥機雖茂也在水大魚育山溪樹長  
任心浩然斯氣無壤

沈遐甫丸熊圖爲其母作也其父嗣非所嗣幾傾其家  
其母庶也鞠遐甫讀書卒去非嗣者而全其家

織影書聲兩世人沈家賢母卽功臣寢花是兒時好冰雪無

邊獨藥春

退甫有釀花書屏

爲金亞白侍御題其九世從祖對峯先生豸華堂圖

烏乎彌邪義服豸稱服不媿古誰子剛棱勁節嘉隆閒甃甃仁  
和金御史嚴馮相繼抑賢正冰霜摧折彌自砥十年吟社孤山  
麓忠肝爲國終不已作堂元元煙雨寒惟豸之華照湖水三百  
年來風轉蓬氣骨猶看孫祖同章疏侃侃今亞白令人企想對  
峯翁

送周子堅往江南

元化既紛分乾坤萬古浩浩流清渾其氣著人翻以堅剛柔躁  
靜難具論獨有一氣離萬原銜所融脫天攸尊懸立物表空繫  
援實貯虛妙念形真苟得是氣者無喜怒愛嗔亦無去留與恣  
嗇古人戢戢同屋鄰我思諸友中惟有吾子堅與君冠歲交彈

東洲艸堂詩鈔卷四

二十一

指逾十年相從罕隔旬諧際任所便不見肅與溫而有真意存  
春風不悚物物性濯濯相娛鮮觀物空色兼念適之適常陶然  
自從洪鑪日焦憊嘗恐是氣將竭焉何緣遇吾子我爲造化小  
兒喜欲顛今日是何日向我容覺離懷生爲賦麗里詩暫作江  
南行江南春色婉以清柳絲初碧煙能晴蹋花已別長安陌載  
鶴日近姑蘇城況有好友偕詩情畫意同寫傾期葆神理充無  
與造物爭雕鑿磨制亦何事息息欲到氣所萌辰良方夙起驪  
駒鳴不已阿母量衣兄裹錢願絮新絮早旋止我有一言告吾  
子願子弗嗔亦弗喜江閒波濤去天咫洵洵駭人不可理但持  
一柁植如山坐看魚龍真戲耳

戲爲鐵耕樓詩柬黃香鐵

斯樓何樓乃是干霄鎮山之小樓幽窗疏疏開海日短葦元元

擊霜秋斯鐵何鐵乃是千辟萬灌之香鐵縣縣而柔春女面滄  
滄然寒古時月香鐵香鐵本是識字耕田夫何爲僕僕猶公車  
當年詩價黃金匹一笑年來鐵不如

宿荏平縣

淡秋積潦阻行驂晴過中榆雪未酣三丈紅塵車五尺教人爭  
不憶江南

金橙紫橘貢餘香朝貴擎攜佐客觴一擔子錢太狠籍緣何不  
願住江鄉

東洲艸堂詩鈔卷五

道州 何紹基 子貞

詠吳康甫景定專次許印林韵

癸巳

振奇耽古索古專承初五鳳稽遙年泥鈞眞質苦難辨往往尚  
雜煙沙痕九鼎沈淪不復興但逢康瓠固足珍吳君甄錄修隆  
富百數十寶斑麟麟大都唐前滌秦後趙程孫阮隘睹聞連宵  
春雨勤洗氛出乍脫本澀可捫景定元年字如新稽諏建置諦  
流源修築巨役賴是傳烏乎汴京肇造神謨存屈曲計詒萬禩  
安政和改更失樸堅胡馬蹶蹋如平原南渡創列十三門宮宇  
偃陋固可人百三年來遂墜落想見初制非奢煩何不遂畱此  
駛剗駛中眺見幽燕雲而顧范巒事補飾坐令汴土生棘榛咄  
哉此專未云古令我作詩歎說硯水昏

東洲艸堂詩鈔卷五

壬辰歲杪由京師至杭游西湖歸爲陳九香題朱椒堂

丈畫梅次九香韵

我生蹤迹如頑仙年年出入燕洛閒但逢梅花便思住花下坐  
嘯同溪山竭來自燕南走越風雪妬盡游子顏飽颿千里若快  
馬入門一笑驚殘年同人要我看湖去湖水破凍光搖天徑登  
浮圖最高頂梅花世界空無邊敲亭仄路香意動初胎冷藥珠  
顆圓花如高士不炫客意思尙在羲皇前澹香拂拂來袖底詠  
是野鶴身翩然歸來醉臥窗月曉狂寢飛墮孤山顛陳君因循  
示此畫視昨觀者當孰賢豈不奇倔肖天巧但少空外眞雲煙  
禾中老人亦偃蹇卅年孤負湖山緣且當共子養腳力更待青  
鞵布韞相後先

爲陳九香題顧朱兩丈畫梅用前韵九香和詩添入妍

字韵

顧公一去隨雲僊吟魂兀兀天地閒朱翁持筆老愈捷卻緣胸  
有江南山兩幘無意忽相遇此花變相無常顏詩人畫梅具鑑  
鞦落筆一鑄能千年陳君作詩詩有畫吟意時出天外天戛然  
詩就卻在此默爾意遠茫無邊春風無緒感契闊明月豈能長  
滿圓譬如梅花萬本只一族託根同在太古前新柯玉蕾或甫  
出高幹鐵植先蒼然華堂時移遠樹到野屋更放疏枝顛世人  
一任嗅且賞花意早忘愚與賢高山闕壑春氣不到處定有巨  
幹糾絡萬古之雲煙從來人迹不許識而我與子孰攀緣孤山  
固好喜尤近但願勤去求其妍停杯百感澹成水莫遣花開日  
出更有他人先

題吳子苾襄陽唐誌拓本

東洲艸堂詩鈔卷五

憶昔戊子冬十月舟行瑟縮抵樊口芒屨徒步叩郡閣騎馬攜  
朋陟峴首諸葛羊杜莽銷歇萬古斜陽照杯酒歸途卻過鹿門  
院空堂斷坡垂古柳眼明忽見唐兩碣儼若藝武森左右西城  
梁君夏侯氏詞翰流傳均不朽細捫塵壁仞題字知是吳君手  
蒐取波濤奔鬻失堆壠文字突出燦星斗使君鄭芝泉太守爲我屢

吁喑襄州近事君諗否江隄壞自十年來神沙恆見白日走高  
樓大屋化浮槎古豕漂流更何有安得人人似吳君功同掩骼  
意長久咄嗟拓贈呼瓊椎闔匿收藏儷瓊玖五秋歷錄長相憶  
一笑長安乍攜手金石恢我眼中福風論妙參霞外友今日何  
日煙雨冷入門告君以重九菊花瑣屑君不嫌破帽敲斜吾豈  
偶古光空復絢蘇齋春艇回思揆越紐讀次及此卻還視我襄上拓  
記憶夙昔神斗撒雲空雨歇詩寢寒歎息當年賢太守芝泉在郡甚有

古今已作  
古人矣

題熊雨臚同年讀書延年圖 甲午

何須業白始成佛何必飛昇方是仙  
古人詒我二萬卷心光照耀三千年  
雨餘風清日當天卷簾焚香醒午眠  
琅琅吟諷嚼珠玉宛宛神類如喬仝  
不知物有萬擾絲不知世有行路難  
德華道腴不竭渴浮名隆富皆雲煙  
讀書延鈴果妙詮示子寤者何其賢

途中苦旱聞雷

自出春明門炎風吹惡土日氣照行人  
有威不成煦行人何足悲田禾實太苦  
計從冬及春天膏未嘗予塵有千里飛  
麥無一寸吐因循卜大秋漸次逼炎暑  
天心不憫農農夫淚成雨農夫雖有淚  
上天幾曾知天公本仁愛有物實蔽之  
豈無峭風

東洲堂詩鈔卷五

三

作亦有閒雲披風雲自遊戲潤澤不一  
施豐隆忽大呼震動南山陲天公此一  
怒風雲當疾馳名山與鉅澤奮合在斯  
時

病起東楊紫卿

長沙臥病逾十旬寂坐城中似空谷起居  
冉冉逐藥裹禁忌紛紛生酒肉忽思今日  
是何日客裏重陽去已速五夜狂風吹短  
樹一年幽籟空籬菊秋陰漠漠固已多秋  
雨黯黯猶未足十日不見一日晴義輪投  
轄娥眉登道逢詹尹問其故斯是何祥宜  
可卜詹言陰盛陽則茶金為水母理一族  
或虞小醜弄潢池或恐霖霖浸坤軸我言  
君語亦倘悅方今

主聖天下福昨者京師方大澇棘院諸生  
赤其足秋淡土冷不為患禾黍香酣黎棗  
熟連年偏災亦已甚今茲元氣差當復願  
祝百吏懷忠肝全為羣黎紓蒿目孱才坐  
媿賈生策隱抱翻同

叔輒哭沈思澆潑來神鬼吁喑無端詫童僕且行且止賈胡裝  
同病同懷楊子獨小詩激語未全刪祕之莫遣它士讀

### 壽黎雲屏丈

雲屏丈人福所將德源性海成汪洋神明聰異破世囊升沈膏  
富皆等常平生蹤迹匿厥光往往識者非能詳我交子舍文字  
郎略記其樸不得忘蜺節早屆岷峨鄉如上青天浮鈞航靈槎  
一繫歲月長邛笈變俗皆慤臧官吏持守遵紀綱念彼蜀士多  
奇芳而苦僻窘不可昌獨建大厦隆棟梁溥被葛棉飽稻香蔚  
然絃誦聲琳瑯如學子環師傅堂再爲觀察古豫疆黃河順令  
護天糧從容餘暇潔几觴與客酌斟繞吟廊愛才恤士莫可量  
想見中實能容藏

帝子投老歸沅湘翩然乍脫名途繯門庭湖水天茫茫嘯傲浮

### 東洲艸堂詩鈔卷五

四

世風雲蒼自樂幽居松桂旁頤養性命恬心腸將與喬佺爲頡  
頰小言欲寄難飾荒靈松怪石同子霜炎日正赤槐未黃安得  
一雨詩硯涼

### 聽雨圖爲鄧雲渠湘皋兩丈作

蟋蟀悲秋菊池塘生春艸古人重友于寤寐傷懷抱何如此圖  
畫招之入山早長途雨聲繁家山雨聲好聯牀無屨一鐙春獨  
夜愁霖添苦辛世閒人人解聽雨東西南北少羈旅

### 松竹園雅集圖爲雲渠丈壽

高語羲皇好季昆籃輿到處卽南邨快傾學舍新醅酒共醉田  
家老瓦盆松竹遙風奏竿籟須眉壽色引兒孫豪門生日銷銀  
燭爭得新秋月滿園

### 南邨耦耕圖爲湘皋丈作

昨夜一犁春雨好阿兄叱犢出門早季也相從天喜晴回頭猛  
憶長安道長安道上車馬光登高一望塵飛揚川原袞袞日趨  
下南至宛豫兼徐揚連州接邑多大水歲比不登民困矣可憐  
十室九淪散時見孤垣絕鄰里何如弟若昆薄有田與園曉聽  
山鳥到檐下夜看露珠生稻根南山何時雲北山何時雨田中  
後先有儔侶歸來團欒粲兒女頗怯耕澆泥滑足那有途長口  
生土烏乎嘻方今西北水利亦已休東南海堰煩  
宸憂兩翁學道時懷抱豈得無意蒼赤謀琴衫拓落鬱真氣茅  
屋倡和怡天游時聞長吁到民瘼快瀉苦酒銷牢愁祇余何事  
錄錄不得息夜寢自尋車與舟世上有誰知種田兩翁者是農  
家流相從暫借南邨任願爲弟子勤把鋤與耨

題王二樵巖古專拓本冊

東洲艸堂詩鈔卷五

五

我行苕霅上苾屨幾曾停

宋景定修城專

波涵井底星

專宿井今宵鐙影白滿眼鬢痕青何日駕湖去

檀椎更細聽

邢醴泉翁畱宿邢園出示存不存詩稿小詩書後

石城滿斜日江風吹我走登峯

清涼山

復憩園隨園蒼然遇吾麥從

容始通名譚笑成握手千里看山心叢叢寫杯酒名園夙所歧

清景擅林藪雲霞飛滿閣星月森在牖槃槃數前輩

席閒談及簡齋淵如

癡樓諸老冉冉餘耄友

同座詭翁年八十

新詩秋感集舊句春情厚纔知攄

懷真令我把鐙久閒雲復吾導別緒悵成偶明日訪焦先山顛

重回首

林少穆丈出示石庵相國書廬山記卷子書後

憶昨泊潯陽躡屩登廬山中途乃卻走風雨相追奔

前月游廬山至東林

寺遇雨而返

飄飄清夜寢飄長繞香鑪煙扁舟捷于鷺拍浪棲吳門甃

耽林丈人持節撫此民威惠旣摩剌文章括流源銀燭爲我張  
酒杯能使溫圖史出奇匿手眼羅球珍就中書律精批引勞繩  
斤爲言當代筆惟有東武尊欣然出緹襲相與參骨筋橫幘若  
雲舒細字宛珠連真韻澹逾卽古光淡可捫淵哉書意遠氣如  
敷淺原頡頏五岳形吐納九派川知其心手際滴抱氣化元適  
然寫此記意象宛肖焉心神我已移面目喜遇眞平生者八法  
頗亦厭拘牽安得萬里景歸此一挽懸行觀海門潮更袖岱岳  
雲登峯欲造顛滌水當求津請看汶領游諄諄果其緣山陰有  
法乳何日許重論

十一月十一日由吳門至鎮江己三更後矣坐小漁舟

獨酌渡江

清風三百里送我過江來皓月全浮水中流笑舉杯天空孤塔

東洲艸堂詩鈔卷五

六

迴人靜暗潮回直指神京去扶桑曉日催

呂堯仙古專冊乙未

長沙初識王二樵杭州屢見吳康甫專頭磊落盈核席藻潤新  
塵成古字六舟上人更奇恣兩脚不蹋街上土宿揆胥井鶴闌  
月杯渡滄波魚避罟殘專敗整有何賢不用支頭用諏古塵中  
邂逅礮谿裔虹光照徹長安旅甄藏瓴甌輕千金束置楨榦堪  
五堵心摹手拓自矜祕爲余袞袞言其麤十三年誰諦文景年  
九月當屬典午七八年與八九年太康兩專非齟齬黃平作鄧  
公翼作元康半暨名兼舉五鳳書年吳亦有五泉泉文洪未譜  
王家門伐冠永和大帝風流記黃武皇帝同宗顯貴戚文粲孝  
廉緬高矩甯喪吏想功曹同甄範使爲陶旗主章祿吉語肖蝠  
鹿鳳奴巧工模獸虎沙釘煜爍斗七星錢范依希文百五句章

賀方出故宅雁門何記稽邨鳴泰和古字通濡儒咸漳俗書嗤  
玖伍秀州嘉興政和前鄭剡縣堪班志數雙龍一鳳刻割精林  
雪金閑名姓嫵者卓記與桃源鄉宋季遺模尙翩舞款識殿之  
呂氏作署書恰有甯波府令人最憶天一閣九月一專出垣廡  
天一之閣高人雲范氏藏書動

當宁我曾拾級陟樓屋大木奇礪翠森拄芸石珍護秘羽陵題  
躡芬芳襲椽礎大半書傳宋代朶固應壁餘趙家土春風揮手  
忽三載夜聽蒼蒼墜鄞浦羨子趨庭依鄮峯丈人作郡今召父  
爲敞溪堂同醉墨待步花輶鏘佩瑀笑我浮生運甓虛有心學  
道適埴苦好事提攜賴朋輩時示古香清俗腑倚裝爲翦夜窗  
燭鼓篷去聽秋江雨磨軒作鏡竟何爲富貴浮雲能幾許

時將歸應

試秋

東洲艸堂詩鈔卷五

七

中丞吳荷屋丈人出示宋槧蘇詩施顧注本喜賦長句

坡詩洋洋海波注疏川導滄得施顧施書卅削顧名湮宋邵何  
心錯同鑄吳興山水接吳郡多少峨仙舊游處兩公鉛槧互冥  
搜蓋代英靈儻來護析薪負荷倉曹賢補綴低行得依據松煙  
棗版劇珍重傅十八官歐楷著爲期鑿楹壽先業豈止酬繚恤  
貧故風雨荒庵老學尊文章法乳詹山付論交新舊快提獎序  
酬武子詩贈傅如何景定鄭吳門遽抱遺編歎漫沍六十年纔  
電去疾七萬字同星列附印本驚逢鄭補前初脫自木神采具  
銅銅錫山桂坡老實始收藏等瓊璐送經毛宋幾淪蕪直待蘇  
齋發局錮歸依今得南海公古槧英英壓書庫當時蘇齋拜生  
日年年蹋雪我公與雙屐一笠神來思兩施一顧祀應耐七百  
載閱滄桑多卅一卷猶星鳳翥今晨秋館疏雨歇爲展檀亩古

香赴我公嗜古重表微何不重將貞木鋸一爲雪堂張羽翼甯止西陂糾繆誤我雖蹇劣如策驚儻許校讎勤掃靈坡詞補注竟零落莫由合併同豁露爭傳鐵綽大江東誰解忽雷長短句

題荷丈南嶽開雲圖時畱住又一邨多日思爲嶽游也

衡嶽含簇萬古雲昌黎而後不復分雖然朝朝見日出山靈祕翳眞精神我公威棱鸞鸞島我公文章下朱鳥三公秩祀肅火維萬里雲波鏡滄沼丹忱凝貫兩眼光近睇赤日不縮藏洞庭軒樂似聞野上古帝臺徐酌漿我來直擬嶽游去雙屐閒雲爲公住眼穿奇匿埽蟬餘癭墮蒼茫迴雁處蕭晨讀畫轉激昂徑當蹋薛登崇岡重陽看碑斜雨外醉夜斟詩南斗旁

荷屋丈人賦梅圖廿五歲時作

世閒萬本梅花賦競說鴛語蜂房句若云人偉文則傳胡爲零

東洲卅堂詩鈔卷五

八

落長松篇公於文貞微尙近其人與文驂之靳哦聲高高梅倪聽廿五歲時風骨定冰融雪澤大海光南枝一發天下香我詩蛩語秋唧唧對公寒句不敢出卻笑水仙配食孤山逋無端唐突凌雲之氣相如書

荷丈設宴又一邨以詩紀事次韵書王叔明秋山行旅

圖後

秋氣著林葉初藉萬蛩夜語籬巴下堂堂日月去如波人事輸與知更疊青山如鏡明靚冷照見天涯游子影浪逐魚龍戰秋窟卻似猥颺墜叢嶺榻來騎輪車忽就九軌道選勝復揆幽眸豁雙足躋一樽名酒同古冰百世才人共秋抱飛騰前輩去若仙歎息吾生胡不早黃花欲開我先賀豪論驚人公未老銀槎杯事想絕奇江上康山空爾爲

席開劇談前輩風雅因及銀槎杯事

且倚虛廊醉

瑤竚起繞細路穿煙霏珠闌畫柱曲折歷竹籬茅舍仿佛之拾級陟峻不敢畫江光晚紅嶽色碧天風浪浪到巾屨瑟瑟幽懷生水石莫看秋山行旅圖猛淚思親怕畱迹

荷丈見示羅浮山紀游詩廿五首

我讀羅浮詩如到羅浮境空山噓凍榕始春丹竈藏雲石不冷獅蹲鶴翥仙乎仙題名刻石能千年奇哉上界一滴潤散作人閒不竭泉言登華首臺更酌酥醪水笑踰懸厓折桃花醉濯飛淙蹋赤鯉澗山淺水梅花邨欲抱寒雲與結鄰豈知身是星嶽貴正待蔭成瀛宇春叢叢山水歸陶冶官集束筓付遙寫快從高詠羨奇游想見經綸出瀟灑我生日逐塵土忙卻隨新鴈成南翔徑躡芑屨到官閣喜看菊花撐屋梁昨夜清風見瑤月翩然忽化羅浮蜨寢披仙繭一身香采采文章彰不滅

東洲艸堂詩鈔卷五

九

湘皋丈命題賢祖松堂讀書圖

讀書松樹裏人意與松清四山風雨來不亂讀書聲讀書如此松柯葉通靈光立身如此松寒堅出奇蒼

松堂讀書處孫枝森布濩根氏無年歲暉采浮月露吾家有老松蔭及六代孫歿連兩桂樹修修日當門

文信國看雲遺照

當年捧日擎天事也有看雲據石時一任狂風動林壑愛它突兀歲寒枝

周忠介公書寒月篇扇面羅研生屬題

烏乎萬古此寒月似冰非冰雪非雪寒月之華甘比醇酌斟益壽三千春寒月之性止如水鑒我中心邪不起人生百歲多浮沈寒月潭潭自古今夜靜天空照無缺孝子忠臣魂魄朗當時

就難不委它靈氣上躍浮纖阿龍樹庵前遺墨化白連橋外野  
煙多

王二樵粟園詩

人生造化裏滄海一粟耳諡園以粟更奇幽茫茫人向粟中游  
捫石睇井思先澤松樹百圍皆手植當時學詩如學語只今詩  
格如松古抱圖向人作兒嘯我見王髯心肅悽底用風雲月露  
累牘連篇詞袞袞子孝臣忠詩教本

九月初三日登舟將往衡山

高堂將白頭何苦恣遠游非不得已非得已行盡山程涉湖水  
湖水白茫茫旅鴈中夜翔蘆葦過疾雨橘柚已新霜中流一櫂  
鷗鷺起嶽色招人三百里聞君好讀書我有赤文綠字相盤紆  
聞君能飲酒我有玉漿仙棗服之壽長久書亦不欲讀酒亦不  
欲飲但聞衡雲鎮不開我憶韓公淚如綆湘江水淺綠勝油近  
山去盡遠山浮波浪沅沅流不化新疑舊恨古牢愁

夜泊

蘆花瑟瑟水沈沈柔櫓音希夜已深涼月一邨舟欲泊不聞絃  
管但聞砧

雜書絕句

年年秋上定王城回首全家住玉京知是主人知是客月中歸  
夢不分明

遙想堂前秋夜長思兒淚盡更思鄉蹲鳴苗與雞蘇葉止有家  
山種最香

看雲憶弟最高峯阿仲何緣賦菲葑北鴈傳書知幾度長沙纔  
展弟三封

書來病婦說平安別向炎天歲又寒自笑塵根難解脫年年勸我莫求官

今懷古抱本無差萬種芳心共一家殘石尙畱循吏碣靈根不斷美人花

法曲當年古不如如今翻笑李唐迂霓裳七徧方教舞試看周萱按樂圖

劇譚疾跋夜鐙青小史傳箋走不停紅徧夫容黃徧菊不如題躩古芳馨又一部

爲近重陽苦憶家安排螯蟹是生涯清風大月秋無價買得雛姬當菊花

敢論福命與文章廿載遲回古戰場何事更羈游子櫂中秋造榜到重陽

東洲艸堂詩鈔卷五

十一

羅研生來宿

前軌何勞數鄴虬詞華出水氣當秋蕉陰一榻論千古半夜狂風撼寺樓

題孔宥函同年詩卷

丙中

蒼茫萬古心參差天地事人生廁其閒所向皆成媿宥函東魯賢性情託文字敦肅孝弟倫感慨師友誼苦語落蒼莽沈幾出蕉萃秋風何處來馳驟疾如驥奔逐入胸腹淒切到寢寐晚花欲無香蛩語疑有淚我懷夜根彌曠朗忽無寄何時寺門月高歌同一醉君時寓蓮花寺

劉蘅洲同年玉堂歸娶圖

玉堂早慰倚閭思蹶里爭吟旭旦詩爲待天錢來撤帳歸鞭盼到菊花時

新衣宮錦稱身裁蓮燭光移玉鏡臺天上寶書人不識輕描鍊

就畫眉才

君習清書

家山梁苑麗情多東去黃流月照波不羨摩空新賦手乘槎今日到天河

### 送黃香鐵歸潮陽

柔兆涖灘九月節長安菊花爛如雪黃兄悵愴向杯酒云將歸去耕其鐵潮陽學舍南海頭波濤瀕洞不可求下有奇鐵鎮水府萬年珊瑚網無人收君將水耕浪蹙脚白日下種龍來穫種得珍珠能照夜朗益眸子清神魄君將陸耕野澤陬鳳皇守剛麒麟稷孕茁靈芝九華絢咀食益壽三千秋此閒淤泥醜如乳竟無寸田安鐵處我今無鐵更無田逢水栽秧逢火煮

### 題西湖紀游畫卷

東洲艸堂詩鈔卷五

十二

西湖清妙萬象攝一任游人競揆躡譬如春風悅情性見花是花葉是葉我公來游意殊猛披攬湖山歸管領卅年塵鞅苦難脫幾度鴻泥勤自省我今讀詩兼看畫仿佛從公湖上語別來四載風雨積寢繞六橋雲水挂南山北山溪復淡我懷鷗鷺不可任人生蹤迹競如織湖上清光空古今

### 題陸筱飲黃山圖

寢裏黃山醒後圖居然奇秀到天都誰知雲海蒼茫外靈氣仙風不可摹

### 題李海颿觀察丈寄鴻堂詩集

公昔臨吾郡澤播瀟湘濱惠氣與摩拂文教鋪紛綸我方肅巾屨逐隊弟子員趨陪到郡閣公顏和而敦高文積卷軸寵命與討論歐陽古情暢桐城師法尊三春風雨別十年懷抱溫江山

莽空闊日月相追奔慕聞觀

閩闔使星來蜀汶穆然喜且跂獲侍晤與言新詩富束筍遂寫如羅珍投示與商酌快讀忘倦循叢岫恣遙目潛淵垂暗緝敷懷實浩浩泛古何云取公所存詩一如公爲文譬如江與河溢鴈同壑源流派殊北南氣息同朝昏長安萃羣彥儲理罔不陳公來悉諧際譚菽互命樽風流接前輩文采照搢紳公今復言去鄙意何由伸公乎古循吏我本湘中民

鄧湘臯丈六十壽詩

梅花撐破先生屋四千里外聞其馥長安馬走雪欲下南邨人閒酒初漉先生懷抱在經濟欲使環堵安耕牧輪蹄萬里累行李道德中年成老病謂是儒林百歲士詎今花甲一周復天倫棣萼耕有耦祖德松堂書可讀友朋漸覺星月稀兒孫來共文章福嘗疑鉛槧耗髮齒卻富精神照松竹筆端生氣活古彥山中奇采騰破籠憶陪末座眼長青小別一年心似戟春鐙翦雨遠惠燧秋緒如煙過采菊苦隨白日蹋塵土想見清風灑巾幅性情靈氣芝九英文字吉祥穀大熟蛩語啣奚足聽鶴聲琅琅先我祝

東洲艸堂詩鈔卷五

十三

寄陳九香河南

去冬客大梁蹀雪陟鐵塔黃河走荒荒城樹響颭颭取醉夕陽共吟詩戍雞雜君時何處去寂寂不我荅隔年兩新篇千里一丸蠟殷勤說舊游諧暢憶簪盍追逐東坡輓正值孤山臘山閒萬梅藥鼻鯨日幾巾花下明月光芒屨不忍蹋別來幾時節車馬日駭駘湖山及友朋一分未可合酒杯積浮塵詩稿同破衲館閣最清閤檳刺紛雜還羨君嵩少閒差堪治棹楫詩宜吹臺

作碑定龍門搨一官星繫匏萬慮枚數闔懷抱要清新精神勤  
膏納聊效吟寒蛩勞汝附書鶴

望雪同子毅作

狂風感夜氣馳驟聲相及寒稜懸空中相逼苦迫急肅如洞壑  
剛轟若波濤立捷如劍俠過慄似荒鬼入鏡啞月魄瘦脂枯日  
輪盈青山空崢嶸流水忘於邑孤罷躑欲望老蛟嗜有泣木裂  
易晨樵井汨艱夜汲骨森僵似木膚凍皴有粒手戟指未知鬚  
冰脣不溼棉鞞踏成鐵纒冠化爲笠擁裘無客來對火得酒吸  
安得六出飛更喜三尺集龍鱗浩溶溶鶴羽任緝緝要看玉萬  
疇願陟塔七級咀此冬靈華甘比春雨汁豐年幾時占荒句不  
可拾奈此苦寒何梅花暗香襲

送羅蘇谿前輩出守平陽用東坡聚星堂雪韵三首

東洲艸堂詩鈔卷五

十四

玉堂漢祕雲四葉奏

御詞頭燦煙雪大夫德音包九能學士才名豔三絕郡符恭承  
天子使屐齒能令故人折馬前山色已先到衣上緇塵猶未滅  
長安多少松桂交珠聯璧貫何由掣爭評石墨涎流紙共嗅黃  
花香有纈從來別緒種酣嬉更數舊游成瑣屑湘江風雨驚十  
稔自乙酉逐隊省  
聞爲訂交之始宦海煙波纔一瞥聲華中外遂如許少日同  
游競傳說羨君報

國有先驅感歎山中硯猶鐵

謂第蓉雨耕湘  
燒尹臣諸君

空庭無風墜危葉一夜沈雲作初雪清晨集霰乍欲無亭午飛

花殊未絕客來漸覺酒鱗動火煥不愁鐫腳折文章太守悵離

羣別思紛綸何起滅斜陽易落杯更把有客高吟筆難掣

前月  
高羣

賦詩我記兒時侍冬宴頭觸屏風眼生緜寒宵促坐燭苦短醉

裏新篇劔霏屑卅年諸老盡崇貴吟社荒涼付飄瞥早朝日見  
阿翁忙韵事猶能兒輩說一麾無忘舊史氏公暇鑄詩如鑄鐵  
席間談及嘉慶中  
年消寒詩社之盛

官常吏治有根葉先以陽和後霜雪長空鷹隼亦何多每爲羣  
棲坐愁絕太行霍岳山氣靜黃河西來鎮曲折平陽況是古都  
會唐魏遺風未銷滅譬如操縵務絃安莫便肄書虞射擊

國家政體尙闕偉慮翦完練成碎纈人才培植從郡縣要收梁  
棟餘木屑觚生讀書斟章句細字斜行鐙影瞥爲君起舞乍激  
昂無事多言容我說使君到郡行祭耒汾曲家家耕有鐵

次韵柬楊漱雲

詩稿紛紛亂如葉剝藤叢恥不可雪楊侯爲我朱墨圍掩卷呼  
杯詫奇絕輪扶大雅吾所畏知於此事臂九折顧獨於我不瑕

東洲艸堂詩鈔卷五

十五

疵如癡在面焉能滅高岡鳴鳳朝陽麗大海吟龍碧波掣各有  
精神瑞聖圖俗羽凡鱗如散纈我生頗懷千歲志猶恐不爲古  
人屑若復十駕靳奔馳那怪百年付飄瞥近來牘刺荒鉛染夜  
靄慚惶每難說因詩聊復相慰勉硯寒墨凍堅勝鐵

元卿鏡詩次韵爲漱雲作

楊侯曉闕街頭葉得鏡眠我明勝雪青銅無花常皎然玉筋鑄  
銘態殊絕上規明月戒盈滿下鑑璇波自圓折試讀銘詞務潛  
晦似謂光生不如滅萬形畢肖乃櫻甯石火光同一掣元卿  
何人類有道解澈塵蒙如翦纈我心鈍似不躍金物擾恆同洗  
鹽屑便當長作堇山銅大冶雖精非所警惜哉元卿不復作楊  
侯智者嗤吾說須知鑪鑪蠹真光多少良金變頑鐵

與尊伯漱雲兩兄及毅愚兩弟嘗條三所贈龍井新茶

次涪翁謝人送壑源揀茶韵

杭州上焙珍如璧北客紛紛都不識只有江南浪漫人舌本玲瓏非耳食天久不雪晴倚欄同語湖山一破顏我昔游蹤尋玉局往往野漁船上宿新芽春試冷泉亭貢品寒銷官閣燭竭來塵邸苦多禮清濁誰復別涇渭一畀芬芳何處來五人風味能相似舊游一去如亾羊忽然湖光照肝腸畫情直覺山翠湧鼻觀更逼寒梅香二客善醉不須走此物陶詩兼醒酒

漱雲瀹梅花代茶有詩次韵奉和

入水求珠山采璧各有神明殊意識雖云臭味無差池水煮梅花焉可食余季護梅書作欄凍窗照影冰雪顏夜淺偶離文史局有客脾睨如射宿茗壺偷瀹數朵花吟聲坐銷三寸燭是客溫文頗知禮妙語斷斷別涇渭秋飡菊英未爲惡夜負海棠羞  
比似孤山九里昔倘羊恨不梅花植我腸請看帳額鐵色餘何妨寢食同一香清晨欲出雪難走且摘梅花和苦酒

東洲艸堂詩鈔卷五

十六

子敦曠軒過話理初仙露繼至卽事作

家尊視浙學特甄樸學士沈子究地輿王郎辨族氏聯翩來上國文譽日騰起小子獲切磋幸免相夷鄙愈窅老未衰精熟文選理苗翁窮六書形聲發微指酒光燭影方熊熊論議颺發開我蒙忽然四座寂無語天倪道味相沖融紙窗夜半明華月關門飛滿一天雪

臘月十三日快雪同子毅作

記從冬之孟下沐雪意動瞥忽五十日枯寒氣呼淘叩首農望

焦垂思

聖懷悚業業大高殿屬屬

心香奉淵乎

一人誠沛作萬家寵雲光凝不飛雪氣到何勇凌晨乍浮浮人  
午尤溶溶紛如眾鶴下清風落厥氈飄若萬仙蠶冰絲抽自蛹  
我思買扁舟茆篷直僮侗紅衣釣竿露靜浪孤權擁翩翩下若  
雪兀兀走越甬還從大江出遠滌洞庭洞要看水上雪雪和水  
成渾垂瓢汲清寒使胸祛夙壅我欲借大笠蹋橋健驢踊東遨  
陟泰岱西笑向峨隴石壁立無色高松鞠而拱要看山上雪雪  
力犴天聳便隨鸞鵠翔萬仞飛也嚶咄哉壯游緣不與奇境踵  
神魂恣家闔聞見守闔闔長安馳驟場妍奢紛偶倂懷刺顏易  
低趨權趾多種機鋒互聲吼毛羽相憇憇噫唏氣鬱蒸化作塵  
空塢我抱山壑性廁茲寤多恐縮如檐底雀涸肖竈下葦何期  
歲寒景忽壓炎氣重朱門晝何寂駿轡晨不駛冰霜上塵頰溝  
塹塞利孔萬類靜機發千家妙光籠梅花澹無影竹節堅多腫  
無勞埽徑疾且可煮茶捧務閒行屐緩容默吟袖攏兒童掬其  
英蹉跌墜兩鬢不聞嬌嗔惡翻成大笑味兒樂我乃同我語兒  
可懂明年田無蝗比似火掠蠖今宵瓶有酒爲我盃釘鯁

東洲艸堂詩鈔卷六

道州 何紹基 子貞

胡褐公金陵畫冊爲條珊作

丁酉

我昔杭州游兩度  
芒屨印徧湖邊路  
雲栖大竹幾萬竿  
孤山梅花八百樹  
後來金陵秋  
舵遲正是石城日  
落時那園老人  
酌我  
病翦燈一夜不成  
詩揭來長安塵土  
惡脚跟欲下無處  
著街頭  
終年不見笠  
屨裏有時猶遇  
鶴褐公畫筆神情  
古二十四幀餘  
斷楮突毫淡墨  
自天然野水蒼煙  
都入譜吾宗東甫  
雲共閒醉吟半在  
西湖灣吳山市得  
金陵畫浙西人愛  
江南山清光千里  
初不畫山水神靈  
彼此一夜眠乍覺  
春氣煥擬上西山  
試雪展

石龜硯詩爲張石洲同年作

脈脈跂跂龜來前  
其形槃姍質渾敦  
世人見之笑怒嗔  
何不

東洲艸堂詩鈔卷六

之蓮葉閒或支牀脚便睡眠  
又或佩廟瑤瑤環而顧合與書冊  
鄰龍賓虎僕爲因緣  
烏齋主人龜德尊  
摩挲賞恣無朝昏  
客來樹頭欲有言  
主人知之塞其關  
謂吾晉人數典先  
惟晉寶晉賢寶賢寶賢堂  
主名奇源莊王世子文爛斑  
徧搽古墨鑄諸硯  
有玉德此一卷不令刻字傷天  
全封以大蔡甘以泉有靜無動  
默不言王或拓墨親椎  
璲或搗藻詠揮雲煙毛楮諸公  
輩百千榮辱老朽相隨  
肩龜也黑潔無淄磷一堂古歡  
龜也專百年矜寵狂一身烏乎  
賢王能達觀顧於汝有私愛  
恩謂當長伴吾九原何物山  
賊掘且焚白骨化爲太岳雲  
龜期身殉身苦堅欲碎不得  
擊賊難意思憤激成癡頑  
王銘在背永不諉誓爲晉志  
長流傳三十緡由董及孫  
今歸張君皆晉人道光十六歲  
丙申上距宏治十四春三百三十  
有七年長爲晉龜無疑反是爲  
晉陽

片石田其厚三寸博八焉長尺有一兼方員身於烏齋不出門  
止許來看不借援但能誦玩無捫搦丁酉花朝初陽瞰張君酌  
客念酒樽詭石龜以語楚賓楚賓作詩如是云

恭送王春綬師觀察蜀中兼頌四句有一華誕

曠哉天地閒五岳惟嵩尊支峯東南走淮汝渟其淵盤礴古夢  
國鍾靈生偉人文章資黼黻幹濟垂經綸炳作麟鳳采挺爲棟  
梁身瀛寰想霖雨降福先峨眉吾師秉異質巨璞舍瑤琨卅歲  
走京國片航游道津羣經助灌溉萬事撥根原典型前輩接琢  
切名流親搏鵬有俊翮奇蚪無滯鱗鳳池早通籍雲署旋垂紳  
一星秋曹朗三尺民隱伸吏言不可欺獄悉滌厥寃每當廷平  
議咸本經術存維強梧作鄂

翠華春出巡言從司寇行帳燈來駢駢

東洲艸堂詩鈔卷六

一

帝曰嘉乃績西蜀資宣旬遂輟烏府轉昇以牙節專側聞

前席對特達異常倫西顧軫時事責在監司員

宸謨見萬里重寄屬能臣麥風揚其香柳絲織成紋時惟夏之  
孟正值高生辰隆隆強仕年鼎鼎命世勳卽看生佛戴徧彼民  
與軍走也最陋姿幸坐春風溫憶昔磨破硯十上徒遶遼海底  
有沈鐵山中嗟棄珉磊落雖自奇擯置何足論恭逢持節秋乃  
弁觀國賓譬如萬桃李一樹先逢春又如爨下桐忽被朱絃新  
提擢過矜寵勛策尤殷諄自別湘上麾復接京華塵京華浩人  
海肩踵駢朱門車聲浩呼洵帽影相飛翻賤子守瑟縮不敢逐  
風奔追陪廁芸館褊狹到衣巾吾師時招至邸寓如邱園藏書  
富緹軸誼古窮崖垠唐僧缸面香晉士寒具痕名書與妙畫龔  
鼻時聞芬文字尙翔實論議歸和敦方期永好樂可以忘朝昏

驪歌忽焉唱，蜺旌茂而騫。龍門倚豁開，劍閣峨嶙峋。悵別階下  
土歡騰，蜀中民蜀中。本奧區地沃，人則醇。顧雜楚豫俗，兼與羌  
棘鄰。惟師體用全，坐見威惠臻。汶江流滔滔，緜水波云云。愷澤  
罔不暨，濫觴於此云。它日秉節鉞，四海瞻日雲。

邦楨信宏達，家慶集駢闐。衣職柱石崇，牀笏蘭蓀蕃。紀述史臣  
職，弟子無因循。簪筆待作頌。

聖代見甫申

奉題定邸

賜馬圖

聖德服遠罔不臣，西師旣戢甄。以仁犂庭坐鎮推，將軍祇肅入  
貢歲事遵。天馬汗血西極臻，玉關內外首藟春。行三萬里不動  
塵。

東洲艸堂詩鈔卷六

天閑驥驥羣匹繁

寵光頒賜先，懿親賢王拜手承。

殊恩錦羈玉勒雄，且馴儷以圖畫妙。似真風和日長，雨氣勻天

街瑞色錦樹芬來扈。

宸輦無逡巡，不徐不疾步驟均。晚涼林下弛羈垂，金波玉露光

采鮮賢王還食方，晏閒披緡書籍偕友賓。出示此圖意騰騫，韓

曹筆妙相後先是圖，是事同精神權奇永作朱邱珍。作詩敢以

畫馬論庸勳親親欽。

一人長鑒我王忠慎勤

拜松圖爲黃子湘作

昔日讀書處，二子吟聲同。坐花晨硯溼，照樹夜燈紅。今日讀書  
處，但有松吟風。澹月照寂寂，悲泉來濯濯。人生富與貴，飄忽隨

沙蟲惟有金石誼天地同初終松身自千年不救促齡窮空餘  
拜處石膝影蒼苾中

陶雲汀宮保丈六十壽詩

皇帝統區宇公侯如岳瀆瀆爲眾流宗岳以壽氣篤高濬得本  
性安敦奠坤軸蕩摩日月光滋液萬物熟峩峩宮保公粵宛所  
鍾毓泉夔翊黃序申甫瑞蒼綠豈曰鄉國士一世實景矚傳聞  
佩垂鵷渾如玉在璞植根青松淡振藻瓊葩韻詩篇播人口才  
流互陶淑通籍太史氏文章絢鸞鷲古懷託輜軒眞賞收騏驎  
持簡入烏臺風采峙霜鵠鴈銜觀察貴雅化興巴蜀駢驂臬事  
陳唐魏還醇俗開藩看皖山雙旌忽而蠹更移吳門節旋躋兩  
江督職領軍河漕任兼帥伯牧輿誦日千聲官紙日萬牘經綸  
括洪纖欲語難更僕奇績有數事大集彙可讀淒清禱冰圖貞

東洲艸堂詩鈔卷六

四

女送和旭愷惻驅蝗文將軍發神鏃翔實海運編憑夷駕臚舳  
諸州水路濬荒原秀種桂獨力鹽筴肩窮檐無淡菽煌煌具奏  
疏井井見綱目忠勤感

當宁陳議必允錄倚爲幹事臣

天獎消人壽臣績與

主眷偉哉當世獨大江春萬里廬阜秋九幅公挾元氣游淖峙  
其一族能運江東西若使身手足滌水當求源登山貴沿麓豈  
知碩輔資蘊自秀才腹側聞讀書處舊倚資江隩飯糲山藿紅  
薪拾澗茅綠荒邨狎猿鳥宴歲尋杞菊卷帙風葉亂枕几冰雪  
漉勤苦無不爲淵源本貽穀先公發方訓家貧富書籠木雞賦  
戒矜驅虎文去毒平生正直性至公發其蓄異哉名子說遠與  
老泉續大雨潤天下其言等龜卜昔者述職來信信又宿宿

垂詢到里居奏對公俯伏資江九江一都梁源湧瀑行千八百  
里眾派聚洞洑豁開石門潭鷗鷺不敢浴兩崖南北懸江心石  
立突方若折矩旋正若執圭鞠厥石名印心風煙氣迺穆先臣  
自課兒茅屋於斯築一官出山早卅載過電速龍首生寒雲松  
根老蒼鹿何況舊庭宇能免荒蕪葉乞

賜軍政餘旬月就澣沐埽飾故山徑長被春露溥  
至尊俞且嘅地靈此焉簇

天筆顏其齋曰印心石屋擘窠星斗橫映日龍鸞燧公時捧  
宸題拜舞震而肅匪獨寶臣榮蓋爲儒者勛大哉

聖人言妙義盡包覆

一德契堂廉

心印心猶告推之窮達理上下古今躅陳陳故復新紛紛智與

東洲艸堂詩鈔卷六

五

樸本末一以符樞機不須觸如雲蒸潤礎如鐘鳴應谷如律呂  
繩準如日晷寒燠所以公崛起卿霄任翔翻常變隨弛張遠近  
徧愜服從容踐台衡

宵盱藉啟沃敬持此義往天下咸被福賤子侍容顏記自髮始  
束搆趨敬父執牽連又嫻屬學步虞踣蹠提獎增媿惡惟欣及  
老成藉以自策扑卻思廿年前對字接門塾家翁素心交文酒  
相諧遂於公迹尤摯淡夜剗每促吟狂風愈響飲凍雪可掬瑩  
瑩論古識史橐傾百斛沈沈經世想事勢炳一燭我時習聽聞  
頗能不瑟縮何期壯盛來日見經緯縟聲華鎮崇峻眺仰成蹟  
踟花甲今甫周生佛戴已夙勛業高積山齒髮堅勝玉況聞兒  
郎秀豫章非凡木但願頤養加視我綰綽祝星雲永爛縵鍾鼎  
集福祿當爲畢若召豈僅潞與涑家翁幸未衰長於公歲六早

朝肅冠紳宵寢有松竹懷人念同岑積思如轉轂江南萬梅花  
香皺杯中滌海上一明月大地光燦煜

國事就閒暇詩懷應往復聊因介壽詞一爲寫心曲

### 負米讀書圖

何爲讀書猶負米升斗養親同估市何爲負米猶讀書冀以科  
目爲親娛青山照盡白髭鬚年年游迹如鷗鳧一卷吟成腸九  
轉一粒米含千淚珠明經瑁璫秋風裏咄哉竟以負米外作圖  
補寫平生心眞孝子逢賢弟子

### 秋燈課讀圖詩爲程鎮北作

我識程鎮北始自司農師師言諸父行鎮北志最奇志立不可  
拔學亦罔弗窺城南車馬多浮洶交奔馳惟有吾鎮北一官淡  
而夷以此過從密且丐督其兒吾師今已矣哲人忽而萎孤兒

### 東洲卅堂詩鈔卷六

六

病弗勝君悉經紀之我時與賓末庭室相追隨竊佩風義古感  
歎不自持西風撼秋寺黃花多傲枝幸其半日游家世互諷諍  
自言幼失恃母教從嬰媿本其詩禮學以爲志節期幸通金門  
籍獲被綵服嬉迴思畫荻初二十年至斯梧桐高過樓蕉心三  
丈垂當時秋燈影宛照須與肩短檠不敢棄伴我舊書帷高堂  
得迎侍齒髮喜未衰寫圖記慈訓子益聲以詩我時竦而立本  
末乃今知忠孝同一源萬事理無歧淡山蔚松柏結根在屢屨  
芻枝與片節勁挺無殊姿懿哉賢母節教子嚴巨規喔咻三寸  
書栽植百行基行看綽棧  
旌祿養隆期頤榮親在報  
國佇覩霖楫施

### 題蔡友石丈北峽關晴雪圖 戊戌

積雪百里北峽關晴曦東出寒不殷四山寵窳不可攀石立不見磊磊顏青松萬本壓欲辱使君策騎來其閒意與胎仙同逸閒飄然欲出塵世竇忽見老農髮旣頽戴雪滿笠樵負背使君一笑自謂頑衝寒欲陟萬仞艱云是愛雪非愛山明年豐孰蘇飢鰥春雨復破天公慳來聽鳩語雙喑喑

題喜雨酣春圖爲友石丈作

鳳陽城畔苦晴時爲乞天膏尺澤垂快雨瀉春珠萬斛奇葩照夜錦千枝鳩呼急處催茶鼓蝶舞狂時落酒卮欲識禾心看花氣惟應消息使君知

題伍燕堂丈流觴圖

松濤殷空石色綺翠竹森森映洲沚流觴閒逐水聲來遇折斯旋坎斯止丈人蓄德無年歲有似濫觴波尺咫壑源漸深風雨

東洲艸堂詩鈔卷六

七

作漣漪潑澆日千里兩郎聯翩鶴鷺行翔游太液恩波裏季君又奮秋風翼鯤鯨待化春江浹養堂就養長安舍月夕花晨薦甘旨稱觴正值修禊辰令節爲翁娛覽揆招邀明輩悅椿華脫略衣冠刪跪起長安塵土高一丈爲客停杯話鄉里故鄉本是山水窟雙峩嵒峩峩大江駛小峯曲澗紛無數照眼瑩瑩清不滓邨筒酤酒丙穴魚鄉味何時餽芬美我思丈人懷抱闊年近期頤健髮齒但逢有酒徑當醉焉用淄澠分彼此譬如流觴無定則深淺酌斟皆可喜梅花將開雪未化想見新篔浮綠蛾不須真有激湍流小屋如舟月如水

孫頤谷先生浚柳勸書圖爲文伯孝廉作

浚柳一碧風差差天然經緯無亂絲煙疏雨濃書自展蜚倦鶯殘人未知五柳高風邈誰繼流觀泛覽同心期不求甚解求甚

辭殊機其妙知無歧先生默好澗沈思嘗遵周道窮倭遲陋儒  
子雍工作偽高密鄭公真我師著書平近如農織鼠璞雁鼎無  
藏匿墜文勤輯謝承書小學詳稽弟子職先生學宗康成謂家  
語孔叢皆王肅偽作  
為難鄭之本者辨駁極詳確又輯謝承後漢書五卷注弟子職一卷一官畫省司詳刑綱治律  
同治經思親眼望白雲白勘書屋共青山青先生官刑曹轉御  
史乞假歸養遂不  
復平生風義敦師友問難沖和氣夷厚少年全厲謝山屈高軒  
晚歲盧學汪明經同白首遺書丹黃粲盈目再傳尚有文孫讀幸  
從書嚳識松筠宛向經神諮柳谷先生讀書歷錄引周官鄭注  
度西曰柳谷及書正義鄭為  
柳谷以駁虞翻言  
鄭讀柳為味之非

閩甯鄉劉春禧康紅豆山房藏書目喜而有贈

藏書不解讀如兒嬉戲得珠玉讀書不能藏如千里行無糗糧  
劉侯生是湖湘秀要與俗儒飾寒陋善本瑩瑩金璧光古人堂

東洲艸堂詩鈔卷六

堂天地壽淡山樓屋可百楹新篇蠹冊皆有情山中日月聖賢  
宇山外風烟蟬蚓鳴賤子藏書無最目讀書貪多不貪熟正流  
歧港各有會要與壑源同一族示君此語然未然何時鉛槧相  
周旋期君來躡蓬山路共校金繩冊府篇

寄題柳七星廣文校書圖

長沙我住城南寺舊雨雜還新雨至湘南冀北情話長蒼茫三  
十年來事柳侯頻來看月圓自言官外餘青瑣醉歸曾無堂下  
馬賣文薄有囊中錢迴思橐筆校書處紫殿雲霞溫室樹禁中  
蠟燭大官庖光彩華星醴湛露當時

聖主御極初右文稽古招嚴徐修成

實錄藏金匱輯編羣編貯石渠幸與校讐晨復夜辛苦飽經優  
敘下秋風一第屈才人春水三篙到官舍永州山水清而紆酒

濃詩澹窮追摹自言非官亦非士且喜養親兼養孀我今濫直  
武英裏殿弱風來憶吾子長沙一別又三年題與新詩四千里  
竟甯銅鴈足鐙詩用厲樊榭韵三首寄六舟上人

六舟上人爲程木庵拓輯彝器文字中有此鐙相傳爲  
建安鐙也六舟鍼剔璽印字畫朗朗若器之新脫於型  
者其文云竟甯元年考工二護爲內者船銅鴈足鐙重  
三斤十二兩護武甯夫霸掾廣漢主石丞賞守令尊護  
工卒史不禁省又一行云中宮內者第廿五受內者按  
班書百官公卿表少府屬官有考工室又中書謁者黃  
門鉤盾尙方御府永巷內者宦者七官令丞皆屬焉武  
帝太初元年更考工室爲考工是考工爲少府之屬此  
器所稱工護甯夫掾主石丞守令又皆考工之屬武霸

東洲艸堂詩鈔卷六

九

廣漢賞尊不禁其人名也說文護救視也護有視義工  
護卽監工矣表惟縣令長之屬有甯夫職聽訟收賦稅  
其實各官屬主出納簿者皆有甯夫如張釋之傳虎圈  
畜夫對禽獸簿之類此則考工之屬也漢官儀司徒司  
空等皆有掾正曰掾副曰屬公府掾至六百石秩亦崇  
矣而表不之及殊不可解表於各官屬下言掌某事續  
志則或言掌或言主此主右丞者主此工之右丞也各  
官屬有令丞而見於兩京器銘者或先令後丞或先丞  
後令其職益相等也令稱守者如今署事表稱守京兆  
守少府漢官儀太常太祝之屬學事下有守學事也卒  
史不見於前後表志而班書儒林傳有內史大行卒史  
郡太守卒史郡國置百石卒史是各官屬俱有卒史也

行末省字蓋同相省管孝成鼎大官壺杜陵壺皆言省也內者本少府之屬續志云內者合一人六百石又引本注曰掌中布張諸衣物中者中宮此中宮內者正其職若甘泉內者等則置於別宮也內者不主船器故考工船之以受內者說文受相付也從上下相付之受授予也從手受此云受內者正相付之義今專以承受爲義非古也第廿五者一範不僅船一器故記其第目兩京於用器之微者往往有此以易於作僞故謹之木庵藏是器余未悉其所自來檢厲樊榭渾銅鴈足鐙歌爲馬半槎賦者注有釋文知此鐙卽半槎物而流轉至於木庵也樊榭釋文考工二三字缺此三字不當消故知缺也三誤四尊誤麋卒誤衣省誤首中誤山因將首山

東洲艸堂詩鈔卷六

十

二字連讀又誤中之誤固由當日考索之疏抑以見拓本不能明燼也鴈足鐙見於薛氏欵識者一一黃龍元年一永始四年見於阮師相欵識者一一建昭三年一永元二年建昭鐙又詳箸於王氏金石萃編翁氏兩京金石記張氏金石契獨此器雖有樊榭之釋文竝詩而訛謬已甚翁氏始爲箸錄而元年合賞等字俱缺今乃收遁證譌誠吉金中一大快幸也六舟淡自矜喜屬陳月波作剔鐙圖縮已像於盤底之閒作握鍼剔剝之狀郵寄京師索同人題記又別作一幅見貽余旣爲攷證如右復次樊榭韻得詩三首

長安帝都勢邈迤未央宮闕雲雨垂孝元皇帝材藝奇媯瑟籟書節度釐崇尙儒術敦書詩長楊射熊羆閉檜行辛屢至甘泉

祠此鐙當日隨所攜長麗光耀神來時漏淡絃靜朗經帷娥姪  
迭伺金釭期南山爲炷海水脂照君萬歲老不衰王檣濯濯僊  
圃芝邊風忽來砭玉肌畱翠徑路馳胡兒或賜此鐙從賸  
之鴈足傳書空繫絲穹廬一穗細若錐是春呼韓稟朝令特賜  
闕氏靖邊竟改元紀功忘厥傲詎意夸華損天性悲哉涓陵秋  
宇淨是春呼韓單于來朝詔改元竟甯因賜掖庭王檣爲單于闕氏帝於五月晏駕見本紀芻諏物始佐  
譚柄鐙爲豆跗注從鄭代燭之始難稽評欲訪通人聊發詠  
銘文先右左下迤尋行洛誦頭仰垂信哉此器非淫奇是年天  
子罷受釐丞相匡鼎來說詩一誦斯干卑楹檣漢人多以斯干爲宣王儉於宮室之再誦闕宮虔禴祠爰庀什器供取攜少府大是需賢時南  
陽太守方褰帷入傾厥職無後期考工有度民有脂離宮共張  
自是衰是年召信臣入爲少府奏請離宮稀幸御者勿復繕是治共張又奏省樂府黃門倡優諸戲什器見本傳

東洲艸堂詩鈔卷六

鐙卷然狀若芝字畫鑲入銅膚肌示信內者黃門兒慎擇工護  
合董之都六十兩準忽絲斤明兩兩析刀錐嗇夫掾丞逮守合  
考工鐙同尙方竟漢時船器益分屬於考工尙方卒史同省眾益傲鴈取隨陽  
有靈性足踏雲水迺爽淨用物適宜握有柄匪儕諸戲聲祛鄭  
蒲反首山漫同評一快譌刊太鴻詠樊榭誤釋省中二字爲首山識有永始四年蒲坂首山鴈足鐙全與此器無涉首山蒲坂黃  
帝學仙云云通篇俱從此數釋大誤大誤解氏款  
江南山色青透迤六舟昔晤西湖垂口譚目測發幽奇目如離  
朱口骨釐新安主人罷賦詩彝飶粲列連栴櫨子由亭接宣平  
祠與客薄游鐙偶攜吾師諦視審歲時竟甯字如鐙狂帷建安  
未造未有期沿謬嗟同蟻附脂中年手眼及未衰逢山訪碑如  
采芝傳鐙幸遇輕骨肌縮身入鐙化爲兒金石古魂殼殼之神  
鍼揮剔究髮絲沈垢冰解字畫錐別來幾更花月合珍拓頻貽

讀鷓竟我遲作替時自傲久要堅比金錯性圖中古德身清淨  
悅至吾齋搖塵柄笑比晉環一在鄭安得八萬四千鐙一鐙一  
師長合評大千傳作鐙光佛不須別鑄黃金供賞詠

陳蔗園出示毛會侯先生戴笠垂竿圖屬題蔗園藏前  
輩尺牘甚夥老成典型觀者爲之興起且有關於時世  
考鏡者惜不及一一誦繹也竝附誌之以爲它日重觀  
之券

當年曾放巖灘櫂千載高風一釣臺戴笠垂竿有圖畫文章節  
義竝崔巍中年劇邑循良績晚歲名山著作才桑梓後賢珍故  
物流傳餘韻滿江隈

題李石梧學使瓊海浮槎圖

謝公赤石揚驅過坡老行瓢貯月還幾輩詞人曾渡海況今使  
東洲艸堂詩鈔卷六

十二

節重如山珠宮氣靜魚龍外玉尺光騰星斗閒萬頃雲濤歸擊  
底化成膏雨徧瀛寰

劉太母繡佛圖爲慕韓同年題

詞壇宗匠屬鍼神嗜古覃思妙得真繡徧恆河沙數佛願教一  
佛一文人

藏書萬卷護香芸甲乙丹鉛細剖分多少高才江夏士都從紗  
幔受奇文

萱暉九十有三齡一卷流傳手澤馨幾輩孫曾都好學更從  
天祿照藜青

送孔宥函

秋風別緒太無端一著征衣路轉寬學道澆心先避俗趨庭樂  
事勝居官況兼山水供奇賞轉益文章得大觀屈指懷人淮上

月黃花正喜到家看

爲羅研生書扇附以小詩

客裏眠滄好自持略親書卷偶吟詩長安秋味晴天少可記城南夜雨時

錢崙仙同年玉堂歸娶詩集錢仲文句六首

自接通家好過門朱綬新多才白華子不染洛陽塵纓佩未爲  
美煙霄各致身寒花催酒熟膾鯉待鄉人

年少工文客秋來懷橘情鳳皇銜  
詔下喜鵲近家迎欲醉流霞酌惟君金玉聲蕭晨歸思結河近  
畫樓明

滿朝詞賦客共羨鴈南飛日落問津處風生

賜錦衣僊舟過若水瓠葉覆荆扉彩筆有新韵山窗滿翠微

《東洲艸堂詩鈔卷六》

十三

良願幾時諧文人藻思催今朝謝家興應問長卿才善鼓雲和  
瑟言忘綠茗杯蘭莖動盈掬卻有好風來

片月亦攜手有如埧與篋佳期碧天末美景百花時彩鳳翻蕭  
曲丹青紫誥垂衣催蓮女織鸕鷀眷相隨

詞律響琉璃高秋作賦初采蘭兼衣錦弋鴈復烹魚就養仍榮  
祿光華比使車鳳樓長近

日更訪百家書

八月十六夜園中看月荅李梅生

前宵見月月未安何物齧缺玻璃盤今宵得月先自賀妙有三  
子來同看長天一碧幾千里萬壑閒雲沈不起大珠騰躍乍浮  
空四海魚龍爭失水溶溶影照沈沈杯合爲冰雪置我懷數聲  
長笛晚花斂一徑古木清風來清風吹空月尤皎小亭兀兀涵

八表忽看曲沼作淪漪更喜秋香發葵蓼李生才調真翩翩健  
筆突出凌雲煙如何忽有故園思遠竄欲墮瀟湘天瀟湘清澗  
洞庭闊北度南游恣超越少年巾劍攬青霞才士風襟貯華月  
趨庭藹藹鸞鳳音嵩洛山色濃可斟布衣夜濯黃河水擊楫中  
流試一吟時將隨侍中州

令弟叔虎於次日補送一詩喜次其韻

俯仰一輪在淳涵萬景妍直從今夜月看盡古來天人影年年  
瘦波光處處圓何須誇謝賦鬢歲得新篇

同湯海秋李梅生游萬柳堂

秋色無今昔言尋萬柳堂兒童能識路車馬忽成行地甚荒寂問小兒始

識路地僻城陰迴天高日氣荒垂陽纔幾樹空闊易斜陽

萬葦風聲合渾疑驟雨來平章能愛客歌袖勸銜杯忍聽遺山

東洲艸堂詩鈔卷六

十四

曲虛憐學士才滄桑六百載銷到劫餘灰

盛世集鴻儒龍門滌益都文章際元會裙屐涉江湖勝地銷才

藻流風滿畫圖蕭蕭池館盡畱得小亭孤

昔年馮北海當代阮儀徵一字存文獻阮師相題額曰元萬柳堂千秋作友

朋雪泥看畫幘香火賸詩鐙浩翰憐才意低回到老僧謂覺性上人

乍有飄飄興眞成汗漫游三朝詞社影一片

帝城秋慧業青蓮裔雄壇玉茗流看君扶健筆千古此堂留

出萬柳堂復至焦家花園晚登陶然亭歸飲海秋寓齋

卽送梅生行

秋光無盡天秋心託遙樹初從古寺迴枯花寺卽萬柳堂更放城南步

平沙曲厯焦家園怪石爲屋花爲門頗喜平樓意清遠但少絕

壑聲潺湲入城車馬殊未息直上姜亭生羽翼萬家煙樹似江

城滿眼蘆花作秋色蘆花瑟瑟聲成堆白日易匿西風來連朝  
霜力健如弩幾時催得黃花開黃花亦能開山酒亦已熟惟有  
詩人似白雲地芻天涯莽相逐玉琴張而乍合金樽設而旋分  
白月三秋主醉客黃河十月我思君東山雲如龍西山雲如虎  
一朝天與化離別播液騰氛忘爾汝豈惟花葩羽益成文章會  
看五岳同雲天下雨

東洲艸堂詩鈔卷六

十五

東洲艸堂詩鈔卷七

道州 何紹基 子貞

東漱芸 己亥

一冬無飛雲山空氣如熯新年雨又烈濁塵攪春酌前宵水波  
雲冉冉騰地落喜聞風色腥仍恐雨氣薄徑涼衣漸濡月出心  
還愕靜想天人際舉杯不能譚楊君適然至示我舊歲作宮徵  
一含咀肝腸如洗濯掩卷先有問河干何苦樂君言彼與此百  
里近聞櫟冬溫冰無骨春荒山露腳屐履試來訪

綸音聞自昨

聖心塵南畝天時慮乖錯農壇三日前神貺四方索惟天覆萬  
物善性本無惡形神苟不潤穴漫紛無著崇朝當有應濃陰浮  
艸閣溝渠肖淮泗雲雷韻蕭勺百穀含其膏萬象喜勿藥作詩  
送君歸勉矣努力各無忘麥熟時赴我蒸餅約

東洲艸堂詩鈔卷七

汪孟慈九日聽琴圖

古寺尋秋徧來聽九日琴四山齊蒼響越海有知音高麗使臣鬱鬱  
風霜氣迢迢水石心卅年京國寤望遠意何淡

汪孟慈將往東河以綠牡丹送崇效寺屬作詩爲媵  
花疑葉共色韜晦豈無心大月溶溶夜深叢何處尋  
昔在文史廬今依妙明地紅紫正恣瀉亭亭發孤翠  
人與此花別看山泚水隈還同桑下戀十日五回來

題卓鶴谿松篁學書圖

鶴谿健如鶴置身松樹裏坐看虬龍蟠忽有風雨起形形與事  
事六書此根氏一笑已通神筌蹠墨與紙君看南北碑均含象  
籀理如何癡凍蠅作書同算子生機日頽散真形詫奇詭肆書

有同癖當謂我言是

題青雨上人自寫照

石立兀兀波涓涓海潮聲多來樹顛上人著身雙樹裏閉目忘  
言無歲年虎谿三友來一箇芭屨未絆機先破問君可有過橋  
時本自無橋何有過

酒閒看蔡玉山前輩作畫

蹴蹴玉山子才氣雄萬夫詞林有根柢古抱非拘迂郎潛二十  
年不逐時流趨一朝入諫垣敢言伏青蒲文章有霜氣論議如  
風驅精神動

當宁

寵命馳海隅賤子屬有幸鋒車逐長塗朝昏共炎熱眠飲互歎  
吁見我顏色稿爲寫快雨圖圖成天大雨浩浩傾江湖

東洲艸堂詩鈔卷七

二

是峯皆出雲是雲皆作峯雲雲既相屬峯峯復相蹤中有屋鱗  
鱗泉石艸樹松渾然但一氣矯變如虬龍兩脚使馬倒風聲使  
人聳君言此非雨滂沛吐我胸又言此非畫真宰偶相逢我欲  
閒勝熱但解持酒鍾得雨復得畫一醉何敢慵

玉山前輩畫扇見遺賦謝

寫心不貴濃求趣不在廣舒卷一握中忽有松濤響松根石巉  
秀松外水清放更看山外山雲意殊莽蒼出都三百里到眼成  
枯壤雲乎何太閒空際自來往願祝數寸松化作龍百丈雲生  
鱗甲閒快雨吐其掌是時我與君聊可息塵鞅更當覓長緇乞  
畫電雷象何爲酒杯閒徒作雲霓想

六月初二日留鬚

人到中年意思殊自然珍惜到髭鬚鬚乍可稱男子冉冉先

愁化老夫王路要持筋力健炎塵莫把鬢毛汗生憎青鏡無情  
甚一笑相逢失故吾

晏城行館

阿翁病後能增飯阿母年來漸白頭一品未忘貧苦業諸孫難  
慰暮年愁三五弟未得子餘孫又多疾宮衣拜別猶含淚使節雖榮亦遠游

五夜寸心如月白

君親恩重要兼酬

玉山前輩五十初度見示自壽詩二首依韵奉和

奔奔鬢眉半百年立朝風骨最超然人言鐵面生原冷我信金  
心鍊欲堅客舍望雲常念母筆端飛雨欲迴天未妨一醉逢初  
度岱嶽千尋壽色懸

前輩風裁靚面新皇華竝轡幾由旬偶然得趣互相賞那復畏

東洲卅堂詩鈔卷七

三

人嫌我真驛騎投林知向夕邨雞隔隔又催晨一杯相祝無常  
語莫負堂堂百歲春

楊州泊高明寺登塔後至竹林閒坐

苦熱但想泊得勝不暇纜況有樹與石照此水色紺竹藏淡樹  
裏早被游人瞰一徑屈曲尋萬個團圓暗不辭百巾繞釋我久  
別憾迴思炎氣重乍若弛負擔沐髮清有餘迎風靜逾澹雜僧  
喜返客氣樸語無濫臨當出竹去入戀何妨暫

渡江使舟應有護送久候不得薄暮乃逕渡

停橈小泊午至西浪靜無風空坐守敲篷忽聽搖槳聲起坐看  
江徐命酒金焦有似故人面薄暮恩恩隔揮手蒼茫雷電起船  
頭一笑落颿泊京口

泊常州

皇亭下樹石幽異偕玉山前輩往游又遇呂萬庭

侯孫行五堯仙之弟

叔姪因藉州快酌輒成長句

赤日下照炎波洶將泊未泊人意勇望見高亭一丈碑竹石回環盡森竦拾級直上無坡陀履聲靜悄緣落莎危石繞成三折路晚花開騰半池荷儵然忽有清風起吹墮驕陽落江水高松大柏盡聲聞瑤島瀛洲疑尺咫自從銜

詔辭金闕苦被災歎灼毛骨篷窗廢書空望雲舵尾避鐙愁看月何期半日得清安眼中乍見江天寬鷗飛橋外得閒意蟬翳林閒生晝寒翩翩況接通家秀存逮友朋詢祖舊相忘狂嘯入煙霞似共幽居在巖岫亭前藉州盡百鷗四人清影同商羊酒醒更讀碑上字巾裾肅若懷

先皇老民不識

東洲堂詩鈔卷七

四

朝廷意望見碑亭輒垂淚豔說當年駐

翠華

恩高如天厚如地豈知

聖主坐深宮志事正與

先皇同蠲租賜復非常事但願吾年歲歲豐

游孫氏園

北客南來苦思竹前日遇之高明寺淨綠修修數十竿庫屋崇垣成閉置此君高妙雖無言風雨孤吟非得地江邊忽有孫氏園刻劃平林見奇致枇杷梧桐桂松柏閒以假山皆奧異方亭斗出畫廊腰三面望如孤鶴翅石勢排成曲衆峯天風吹動琅玕翠遂合十步五步閒自有千竿萬竿意

慈仁寺荷花池四首

泊船先戒榜人譁避熱來尋古佛家好是淨因香火地有三十  
六畝荷花

驕陽已墮晚風吹翠蓋田田好自持明日客船如不發五更來  
看乍開枝

坐看倒影浸天河風過闌干水不波想見夜深人散後滿湖螢  
火比星多

官長能開種福門放生池賴佛慈恩龜魚靜夜來聽法遇著蓮  
花不敢吞

與玉山泊寶帶橋登乙未亭作

飛閣凌虛起平臨寶帶橋彎環真得地帶嶂欲凌霄水氣蒸炎  
熱山光遠動搖斜風胥浦鴈落日海門潮賴有危亭峙能使  
者招三賢遺迹渺乙未舊題標望古風生袖乘涼笛在腰湖雲

《東洲堂詩鈔卷七

五

揮手到林雨應聲飄臺榭誰賓主江山易寂寥松陵高唱後詞

客幾停橈

亭閣係黃南坡所建陶雲汀丈及陳芝榭前輩題  
記今陶丈新逝芝榭前在行宮一厝南坡屬余書

石記刻

鷓鴣湖亭夜宴畱示周文之大令同年

鷓鴣湖邊路當年訪友來掀髯重把臂揮手隔銜杯謂楊  
龍石不覺  
煙光暮全將畫本開坐聽風浪作急棹小船回

瀟灑元真子崦崎笠澤翁我吟漁父曲想見逸民風大隱存詩  
格滄江幾釣翁吾生竟何事來去太怱怱

澹蕩一湖水彎環百尺橋鷗鳥同寢寐江海望迢遙風色涼兼  
兩波聲暗有潮湖心黑如漆漁火見溪宵

徐新齋茶餞於冷泉亭

風炎雨渴不畱停望見西湖媿使星難得早涼山露重三人閒

詒冷泉亭

仙霞關

衢州以南多洞竹其筍奇香最宜噉朝朝供此吾不嫌少時雋  
味何嘗減迴憶濂谿月巖路隔數千里猶昌歎竹大一圍修數  
尋外無節目內含坎烏乎竹理何可測突兀輪囷見肝膽行近  
仙霞霞采異漸入林於意黷驟忽然萬綠圍一輿作氣蒸騰面  
目慘高盡入雲山比浹腥可醉人日爲聞使者無言熱愈苦輿  
夫鼓勇瘡不喊翩然十里至關頭絕壁清風萬形孳何可一日  
無此君大有商量吾意欲忍哉杜老鋤奸才惡竹萬竿惟一斬

水口驛

水口驛前纔夕曛步頭供頓太紛紜使舟正返雙星至半月迴

颿兩制軍

鍾桂兩制軍  
先後北上

東洲堂詩鈔卷七

六

言語侏離解候茶風燈照夜鬢堆鴉一江秋霧如春煠香徧珠  
蘭茉莉花

常南陔督糧署齋看瑞竹

閩南固多竹不數淇與湘猗猗有萬族森森偶成行吾黨有常  
子篤行等姜黃竭來過燕寢往往聞清香庭前兩竿竹萌芽已  
相望秀出檐檻外漸入煙雨蒼枝枝既相對葉葉又相當尺莖  
復寸刈齊等無弱強雕闌與護持問我是何祥我思萬物形參  
差每難詳人事與畫一天性斯可常齊家有儀則平政見紀綱  
君於體用閒節度能度量此君式其義寸寸自敕防春暉采蘭  
屋屬書采蘭  
屋額慈竹榮北堂還看子孫秀培養有餘慶

題陳恭甫丈麓峰載筆圖

先生學術當時仰歎我遲來已六年通德門庭猶好在麓峰煙

兩總蒼然卽今書局甄文地最憶名山載筆年寄語傳經諸弟子無忘墨守抱遺編

### 游鼓山六首

閩南文字役日近墨與朱棘闡一旦撒翩如脫樊笈時當九月九走看烏石烏高臺盼山海遠意生江湖竭來困人事漸若蠅

蔡玉山前

觸蛛硯池酒杯閒志疲形亦臞今日得佳約聯轡皆吾徒

張亨甫同年出郭三十里一徑來山隅夕陽恣閒麗岫壑金光鋪松風盎而合澗響紛相呼十載懷名山未到神已趨嵐光

溼如露潤澤我眉須

余自得姚令威篆字題名知鼓山之名久矣

夜眠湧泉堂魂寢已輕矯故人促我起

亨甫雲散月初皎呼輿不及飯披裘以當飽搖兀三里餘徒步緣木杪山田莫滑足田中

熟香稻深林無放步林下多靈草澗谷紛牢膠荆榛莽縈繞天

### 東洲艸堂詩鈔卷七

七

明山轉高崖仄步難巧仰睇惟白雲下視絕飛鳥老僧拜揖言高處非可造我笑轉益前怒棘皆披倒仰止欣可卽阻我成煩嫵因思天下事還縮幾時了

獨上大頂峯直叩茲山元披衣坐龍石長嘯通天門大風吹白雲如萬馬追奔挾我入混元稜稜不能吞白雲信何心從風各飛騫徐徐返巖谷繹繹歸茲根海色不可辨瞳矐露朝暎圖畫雜晴雨城郭兼山原天風愈呼洵坐久石不溫肅然更起立想睇乾與坤是爲太初氣難與塵世論懷哉二三子愛惜雙足跟

同游三人俱不至絕頂

掘衣下山去仄徑多遷延步急乃更遲欲還忽已前艸閒微蟲聲四起如亂蟬其聲甚淒切秋思感人天石壁爛五色金碧爭輝鮮山雨颯然至萬壑鳴匏絃惜哉白雲洞展齒不得鐫行

至下院望雲飄若仙還至昨宿處何異蹠與筌諸君半日別念我心煩煎見謂輕險阻謝諷皆韋弦我思山水理妙險恆牽連但當慎頤步夷庚視山淵斬斬巨佛牙駭人還爾憐金身亦已壞齟齬豈爲全不如舍利子照我性光圓我性本佛性還參靈嶠禪巨佛牙舍利子皆寺中物靈嶠者開山祖師也

山心固秘藏我至發其覆山靈若余妒風雨相追逐重陽猶可展陶然一樽足不覺古德尊頗厭僧語俗忘歸石下坐茹舍眞可築直上水雲亭更縱千里目北來萬山水至此一歸宿山行到海盡水去遂不復泉響疾如雷噴水巖畔龍瑟縮抱泉自龍口清寒貯吾腹吾其化爲龍諸天任翔伏

昨登般若臺在烏石山快靚少溫蹟力爭崖氣高勢若仙掌摩更有王若愚玉筍錐沙畫乃知筆法畱未覺唐宋隔此山亦何幸妙

東洲艸堂詩鈔卷七

象森繞壁才翁兩大字壓山低一尺春游題董吳夏憩紀姚石更有稱德象重陽此飛屐下者鑿澗腹高者繡崖脊倏瞰驪淵揆仰拓星宿摘吳荷星節令拓碑人從行平生千載志遠滌斯籊席到此徧摩挲古意接稽嶧眞行皆俗書紛紛爛尋覓

題陳少香大令借燦鷗汀漁隱詩豪

書所不能到詩從何處求集中羨君兼二妙恣意得窮搜游興健於鶴詩情閒若鷗墨緣重記取一片鼓山秋少香分校閩

閩中紀事畱別十首

帝簡來搜大海珍榮承錫宴拜

恩均凡入闈者俱與宴三巡法酒

龍光寵廿載風檐鶴立身余鄉試十一大靜院看山宜快雨甚熱望雨

虛堂接席半才人同考諸君多有詩文著錄此邦儒術千年盛共矢論文貴

賞真

旌纛南行麥熟天  
軺車追逐亦前緣  
秋官昨典春官試  
節院今持鎖院權  
職列尊卑心總一  
簾分內外事能聯  
欣聞士氣從來

靜矮屋無聲大月懸  
吳甄甫中丞前輩甫於四月出都此  
番為監臨場務肅清為從來所少

柏府聲名重一時  
蔡玉山前輩雙排玉案快追隨  
直言亮節人皆仰

朗抱虛懷我獨知  
况有光輝聯豸繡  
全祛塵翳掃蛛絲  
徐松龕觀察前

輩為內監試力除積弊風風雨雨催秋老  
難得偷閒共一卮  
三人恆共飯而少飲酒

人才摸索暗中奇  
器識須從論議窺  
與玉山閱文俱以識議佳者為上竟日堂

皇咸集處五更風  
露獨醒時  
余每日皆戴星而起前茅幟影期難拔  
兩人定元

願費後乘珠光照未疲  
卷亦全披掩卷還思平  
意氣敢云得失

寸心知

龍門恰趁榜花開  
訪古尋秋亦仗哉  
八姓難詢典午蹟  
孤峯猶

東洲艸堂詩鈔卷七

九

抱越王臺冶池傳  
後無名劍脂塚荒  
餘歎霸才眼底英  
雄遺躅

盡山光海色照銜杯  
余出關後願多游歷

儒雅聯翩宴鹿鳴  
諸生與宴者六十人前此所無風流宛接魯諸生  
鼇山鳳沼

歸羅網  
兩書院士入藪者多驥尾龍頭總俊英  
榕社未荒修學緒  
筍班多有著書聲  
不妨手版將經代  
致用還期答

太平  
諸生多持所著述見質又石齋先生榕垣講業手稿尚藏閩縣丁生家

兩世持衡隔廿年  
家君於己卯年典閱試槐廳佳話早流傳  
欽承

北闕掄才重  
出關後知家君典京兆試同是秋堂看月圓  
衣鉢再傳天下徧

家君門下士今科典試者凡十二省松筠彌勵歲寒堅  
旋軺去去勤溫清  
七十雙

親望眼懸

當年玉尺益湖濱  
第一人收第一人  
四載門生來秉節  
七閩學

使望如神  
學使吳崧甫師乙未科以殿撰典湖南試以余領解今於鹿鳴宴後率小門生謁見亦佳話也石桐

互叩成眞賞師所錄歲科高等桃李畱根證林樾兩生即夙因吾師甲午典

閩試所愛士吳公尤慰藉節麾重認白袍身余乙未鄉試監臨

爲閩藩節麾七字即公見贈詩句也

菊花香後桂香浮排日追陪得雋游賓主十人前後輩林亭九

月淺淡秋論文氣合冲霄劍報

國情深共濟舟時事關心傾耳熟非緣樽俎強句畱魏麗泉制

甫中丞前輩吳崧甫學使師吳荷屋方伯師常芸閣廉訪丈吳甄

平華常南陔徐松龕三觀察前輩玉山前輩及余皆詞館也公

請之日十人咸在以後排日宴

集願難言別以致起程稍緩

無端離緒胃垂楊餘話還尋宛在堂臨行前二日常南陔約游

一權秋風京國遠三山斜日海天涼煙雲變態生寒色師友縈西湖宛在堂羣公咸集

懷幾癖香畱得墨緣圖畫在欲邀題賞徧琳瑯荷屋師有墨

題荷屋師授經圖倒用元韵緣重聚圖

憶昔歲丙申初對大廷策蓬山許游翔塵海任孤僻作賦不能

麗抱經思所擇館師儀徵相時雨潤甲宅每聆一義豐足瘡萬

言瘠微言大義兼六經如日白入室南海公討論恆奪席有如

堂上樂同音奏笙石我時但俯聽清風肅玄亦自維駑駘姿敢

躡驂驪迹如愚或同顏數典恐類籍南海本吾師愛士早成癖

門廡先後其鳴叩大小獲惟公於儀徵孔氏之雍赤執經四十

年躬躬抱古冊別來望北斗朝莫不能釋癖香託圖畫髭而疑

可摘繁余窘步趨思義強甄覈菊人或吹歌見謂耽奇蹟緬懷

邗上堂沈思萬端積圖未儻許附何異名書帛秋風昨夜來庭

樹色更易恨恨復有念喑喑向虛壁太息程司農早作千歲客

東州艸堂詩鈔卷七

贈魏又瓶時爲永安校官

謂春海師亦同侍儀徵師坐者

一自錢塘江上別風光飛越七年餘貧無甌石猶沽酒閒對青  
山老著書肯向紅塵虛日月更從大海狎樵漁相逢鴈燕難相  
聚記取江天落葉初

歸宗巖

斜陽暉暉炫吾目落葉叢叢滑吾足人如飛鳥六翮翔徑躡修  
蛇三百曲滿山皆石黝澤光山根有骨兼有肉足根掣礪入雲  
去雲石之外皆奇木老樵指點不知名但道森森桂松竹仙靈  
窟宅信奇奧我來便擬臧其腹巖光通處寺門啟天妙窮時人  
巧續層樓疊壑互環繞絕頂孤亭尤竦矗箇河老人題壁處八  
十餘年韻誰屬我來重掃舊涸痕俛仰奇游非我獨傳聞此山  
秋氣勁敗葉紛紛避佛屋乃知佛性狷益尊何止散花身不觸  
同游健步有曼卿石瑞岐同年撫石聽泉成躑躅揮手青山成別離

東洲卅堂詩鈔卷七

十一

插腳紅塵莽追逐夜澗路盪荒月墮燒卻山中萬蒼玉來年新  
筍倍發生記取征夫此游躅竹燒後次年更盛

將游武夷別羅子揚大合

小別閩州第幾程人傳循吏有聲名栽花繞屋餘秋味勸客看  
山不俗情我本閒雲風與送每臨危嶂腳殊輕天游峻異龍潭  
奧爲縛篋與取次行

晤藍少筠書筠同年

安排濟勝得賢侯簪笠匹鞵小竹兜入艸乍疑成蟋蟀上山恨  
不化蝮猴傳來奇語能無詫除卻斯人不許游張亨甫先致難  
得故人真氣誼相迎一笑落扁舟

游武夷

幔亭縹緲仙乎仙玉女鬢鬢嬌可憐虹橋板與架壑船十丈五

丈空中懸但記晦庵題記年千霜一曠故依然舟中仰視一綫  
天天游一覽天無邊故人題名墨色鮮峯排兩岸斷又連前者  
忽後後者前我身船上又巖顛主人左右相扶牽誇我腳力能  
輕便後唳鶴叫林有煙暮靄乍合山氣圓肅然風露浸毛髮且  
就星郵書館歇攜尊同上三層樓臥看幔亭峯頂月  
世閒游事兩端耳說山卽山水卽水雖然山水有合理呈露精  
神各成美來此山中見根底始悟知仁惟一體山有盡時水又  
通水欲窮時山又起人影回環宛轉中天光詰屈玲瓏裏武夷  
九曲昔人傳九十九曲猶未止天公巧藉山水見巧至武夷觀  
止矣笑我恩恩自念拙一晝夜行三百里持節偶泛天河槎茲  
游真到仙之家官郵徑指浦城去四山紅徧杜鵑花

與藍一笏少笏兄弟別

東洲艸堂詩鈔卷七

十二

未須澗底問胡麻名酒斟來化紫霞方筍圓姑仙氣味世人辭  
道武夷茶

一生游事戒畱連幸有山中再宿緣明日穿雲山下去不知人  
世幾千年

山靈休訝客行遲未免煙霞繫別思我比漁人差識路桃源或  
有再來時

翫鶴軒中好弟兄兒童繞屋讀書聲人閒果有神仙窟何必崎

嶇上玉京

作小齋於山脚余爲題翫鶴軒扁時少笏將入都會試

十月十九日夜玉山前輩招飲奉柬二首

重汎桐江權新霜已上袍山寒全露骨水瘦不勝篙天地乍如  
窄魚龍何處豪因思消息理隨境且游敖

我性狎江海人閒一散仙狂游天不老入世月常圓雲落杯光

活山宜畫理傳漁歌聲十里塵癭莫拘牽

舟中雜詩

帝友貪爲上國游山中拋卻舊羊裘神仙眷屬梅家女淚滴桐  
江水不流

家家漁艇似香閨月裏聞歌氣不悽行盡江南雄望地香名可  
飲是蘭谿

畫家爭說富春山一路平看變化難紅樹也如花事老十分風  
露不禁寒

橘綠橙黃次第收爲揆梅信此停舟如今花待淡春發十月荒  
荒九里洲

骨母山前氣次寥桐江旅客鬢飄蕭誰知一葦波痕淺漲作歸  
墟萬古潮

東洲卅堂詩鈔卷七

十三

交蘆庵醉後題壁時汪葺伯陳碩甫唐雪航吳荀慈梁  
子恭邀游西谿

半年持節許狂游寢落西谿谿上頭行人蘆花最淡處不知今  
夜在杭州

交蘆庵扁寫茭蘆訂誤仍煩近代儒明季諸賢耽白業豈知識  
字費工夫

阮師別署交蘆庵扁  
訂香光茭蘆之誤

再題六舟剔鐙圖自六舟將此卷寄京存余篋者將二  
年今年使閩攜以行至江南未遇六舟遂攜至閩中復  
有題者今還至姑蘇不能再畱鐙下重展若有不能釋  
者率題一律時己亥十月三十日吳江夜泊

畫本相隨歲月遷此身如到竟甯年竭來一萬三千里照徧齊  
閩吳越天今古蒼茫鐙外影江山現滅指頭禪恩別汝重題

記永證金光不了緣

題徐問遠清吟閣圖

彝器精神比俠士落落人閒幾知已龍石彌健問遠清古澤澤人益年紀南風一櫂泊吳門墨緣佳友重煬溫披圖忽見清吟閣修竹垂楊墮寢魂

龍城書院謁李申耆年丈

父執經師李與劉謂申受丈二申儒術重常州公羊大義粗聞後又見先生括眾流

題申耆文輩學齋授經圖

綜括羣儒業躬躬輩學齋欲陶天下士都與古賢儕淡雪斗山坐春風桃李街二申吾仰止捧手後先偕

游北固山

東洲艸堂詩鈔卷七

十四

米老庵何在千年露尚甘風流皇宋代山占大江南照水月今古題詩人兩三茫茫風浪作北望雪情酣

京口阻風

昨日乘風得雋游今朝風急轉句留盪開京口千年恨吹閣天邊一葉舟蕩節雖知同候鴈滄波何處不浮鷗颿檣寂寂江湖闊聊復銜杯豁旅愁

十一日五更渡江作

午夜櫂聲發我行殊未央天寬星影碎風定水聲長海納江河氣洲明竹葦霜聞雞邗上近暫慰客心忙

楊州魏默淡畱飲絜園

箸迹銅銅吾老默今日絜園真請客杯盤好在不經意正似征人有行色霜餘果味方滿園屬書果味滿園四大字讀書養親天所恩今

古微言恣漢討又聞精猛課宗門

東洲艸堂詩鈔卷七

十五

東洲艸堂詩鈔卷八

道州 何紹基 子貞

題梅蘊生唐志拓本冊四首 壬寅

禪智山光裏當時好墓田貞元餘兩碣淮海忽千年秋水空寒

鴈春山滿杜鵑談碑茅屋底一醉且高眠

咄哉陳少游羞从外還羞長史風雲壯孤墳劍缺畱書銜補工

部誤字訂祥州何幸桑儲筆搨掌日未休

江南好碑碣半逐巨波渾 河北多古碑而江南甚少喜見貞珉

出依然永宅存妙將釵股筆重撥繡涪痕 蓋為波臣齧去者多矣 唐石齋頭月

清暉與報恩

嵇庵詩律細淡楚得騷心字字多含淚聲聲合應琴茲篇殊磊

落古意轉崎嶇佇子來

東洲艸堂詩鈔卷八

天祿般桓有嗣音 君善琴故有弟四句

錢南園先生畫六馬圖為儀徵阮師相家藏軸子毅假

歸臨寫一本當時謂當再作一精本子堅遂持此紙去

後遂因循未嘗復作子毅委化後余每見其詩畫遺墨

輒痛楚不能自己誠悲其智慧絕人所學未成而天奪

之遽也余與子毅學生而子堅於友朋中為同庚意氣

至相得二十年前春明舊游芒屨布衣相與逡巡於書

攤畫肆閒最和易嬾漫者吾子毅也今子堅忽出是圖

屬余題字裝罨如新故人之意可想一展視後不忍再

閱久從度閣念終不得無一字因題數句歸之道光壬

寅夏五月金陵寓園

南翁六馬圖意態頗橫絕子毅偶臨寫精神亦超傑烏乎子毅

今何往遂逐南翁游蒼莽平生鴻爪不自惜千年駿骨知誰賞  
故人珍重增感思令我展圖淚若絲一幅在壁一在几愴記當  
日含毫時

過黃石琴靜憩軒

石氣潤如雨柳絲晴有風忘懷此靜坐意與鷗鷺通我從出山  
來幽寢浩無窮江南時事殷維藩寄尤崇想當簿書餘雲水渺  
冲融退思益陶詠爲助明與公

題楊石卿秋林詩思圖

短篷炎日底日日盼秋過但恐西風起翻增感慨多舊游懷涉  
上新賞寄江阿好句能祛暑涼情澹夕波

時相遇  
於淮浦

過張河彭口聞賦謝徐鏡谿太守

先生官屬五龍紀不司人事惟司水可惜才大嗟鯢桓上下屈

東洲艸堂詩鈔卷八

一一

伸不千里上聞既開下聞閉後舟將發前舟止天庾千枝銜尾  
來蓄洩權宜爭刻晷可憐閔雨復閔晴天公尺寸難斟擬瀕河  
有湖水最珍留不竭源榮血髓今朝忽啟傍湖門窺見鷗鳧滿  
荷葦我舟遲遲已逾期幸遇先生脫泥滓卻思開闔本天道行  
水一事該萬理神庖妙斷得天全治絲而琴歎餘子君不見雲  
梯關外萬丈沙夷舸翩然忽西駛金焦兩點不可問石頭城下  
蒼雲靡海門一開無由閉時事倉皇遂如此濟時須有異人出  
冀復鏡清平似砥新秋風雨何處來苦淚涓涓忽盈紙

涉甯舟中題賈丹生大明湖圖卷

我昔大明湖上住

督學署  
在湖濱

出門上船無十步高樓下收雲水色

小橋逕接漁樵渡春風楊柳綠如海夏雨蒲蓮密成路雪晨月  
夜更奇絕清鷗短笛無朝暮不惜狂歌墜星斗時訝聞魂化鷗

鷺別來彈指二十年，癡似游魚無可捕。君於此湖有同戀，畫圖  
一一幽景具。敬亭古寺長板橋，都是當時醉眠處。半生足目江  
湖多詩艸，酒痕成冊簿。算來難似明湖游，少年奇賞由天付。人  
與湖山共，早春邨有詩篇著。愁句推移歲月人，事積感慨蒼茫  
塵土汙。卻思百歲如風燈，又恐今日翻成故。聯舟半月有奇緣，  
時共停橈看煙樹。太白樓頭又月明，莫放清秋等閒度。

舟中益蘭用萬字韵與桂兒杏姪同作

春風吹桃李紅紫，浩千萬不如秋。蘭靜竊窈非靡曼，舟行苦已  
遲路長。人意困翩如六友來，暑節滌煩悶。新秋風雨疾，篷底好  
安頓。喜露復畏日擎護，童僕健翠葉森有凌勁。茂不柔，蔓花枝  
自根出玉節，明寸寸一萼。蜨翅舒羣藥，檀心噴幽香。滿船篷可  
放，不可遜。隔船靜相賞，芳臭轉清遠。奉爲北堂娛，馨潔加滄飯。

東洲艸堂詩鈔卷八

三

夜月照尤奇，兒癡語非鈍。用桂詩意吾家瀟湘浦，騷佩傳九畹。邇來

鎮蕭寂，佳種說延建。何期淮濟間，香國見文獻。豈惟旅愁豁，兼

使古情綬。高韵隨所適，遷移詎爲恨。懷哉兩君子，淮上趙蘭友觀察文滌上

近適我願京國更珍此，高價不可論。好護冰玉姿，莫遣塵土恩。

聊發國香吟一洗空谷怨

劉耽名印詩爲陳壽卿同年作

陳君嗜古廣，睹聞示我劉耽之印文。謂考魯碑見史晨，縣吏劉  
耽從史君修通大溝完，廣垣當時復禮饗。在春先生弟子九百  
人區區，未吏午史倫得此寸銅名姓芬。其人雖微傳乃尊，我誦  
視之文逸翩。偏旁大似繆篆云耳，字段借易爲身如職作。臧殷  
爲殷允字消，畫避臚紛大小員。允足據援史晨碑大小員允即此印耽字从允之證

碑中劉耽字孔耽孔耽碑耽字不衡方衡方碑耽字半存合之亦不作耽也孔耽从尤見字源

兩美連肩跟顧昔姓名多複猶定為魯吏我疑昏洛中雅雅三

故傳晉陵太守餘韻沿有孫耽是知名臣見晉書安知此印非

所捫白箋言事取用煩亦近瑣靡遠樸敦印凡六面其兩面曰

君笑而作含喜噴雖云翔實辨亦伸甯置其後推所先我報不

答走逡巡我則善疑遜子媵初雪在梅藥繁何日過從有暇

閒羅列彝鈿同捫搦君得古彝器甚富諷古持論殊嚴寬禮樂周孔法

申韓相為救援不欺反恐子見謂矜奇偏聊假此印為斷斷

題陳忠愍公化遺像練栗人屬作

我到金陵春二月耳悉將軍忠壯節枕營飯糲不自貴萬卒一

心心熱血夷來乍浦遭焚殘連檣旬日規寶山忽傳五月八日

事江水不鳴白日寒手然巨礮從空落四舸摧燒如敗捧天日

東洲州堂詩鈔卷八

四

下照海水飛魚羊誰信夷氛惡連鯨競進洪濤起戰鼓聲瘖脆

如紙功敗垂成百鉛子大星晝落將軍外將軍雖外

國恩厚建祠予諡重卹後建祠於外事區予諡愍其忠不負

計從夷鋒侵海邦大將後先多授首孰如忠愍陳將軍毅魄英

聲長不朽後世知有陳將軍誰其傳之練立人蘆中得尸櫬斂

親手拭面血為寫真昨來報政觀

九闔將軍外狀

親垂詢俛伏奏達不踐巡

天顏淚墮悲貞臣遺貌猷猷面鐵色慘澹風霆繞烟墨忠魂到

處若畱影陰氣滿天來殺賊息肩暫見時事解蹙額何時禍源

塞烏乎圖畫亦何為重惜將軍因愛

國

雪聲堂遺硯詩爲唐子方

樹義觀察作

烏乎巖野陳先生海濱七尺書生耳南都伏闕來上書氣扶明  
社三百祀高明山中初用兵禺珠洲畔舟師驚咄哉竟墮清遠  
城五日不食血濺纓時世遷流急如雨戰袍詩卷皆塵土片石  
畱傳塵帟閒精忠玉帶堪儔伍昔日雪聲堂今日寢硯齋寢硯  
得硯父及子鄭重付託非常懷君家治譜有傳受露冕清風滿  
關右直翁之直真不朽子方方如此硯否半尺蕉葉及寸厚毅  
魄稜稜鎖相守藥亭山人紅豆空題字作銘永示後君家藏貯  
事尤奇長使光芒奪星斗我坐寒窗風葉枯未觀其硯先以圖  
慨然有作筆一騁坵底磨墨聲疏粗何時一擢珠江曲去問雪  
聲堂在無

次韻和伍燕堂丈八十自壽

東洲艸堂詩鈔卷八

五

車塵袞袞日趨朝勁柏奇松幾後凋飽看雲煙身轉健不離塵  
市跡尤超蘭亭韻事何勞續洛社高風果未遙眼底觀生得平  
等那論簪組與漁樵

就養春明子舍安俸錢粗得酒杯寬諸郎自覺趨庭樂老念彌  
思學道難感事偶然成獨慨閉門終日有清歡讀書果是延年  
法何必仙家藥玉滄  
曲水流觴好畫圖春來花事不支吾重三獨許占佳節八十未  
甘稱老夫閒話難忘鄉井樂醉吟聊喚小孫扶臨流意釣原非  
釣笑問磻谿得似無

年來海滋與江濱我念狂瀾每挂頤尙有情懷依老輩勉將詩  
酒繫良時卑栖暫喜鳩居適高翥翻愁鶴力疲漫與狂吟重索  
和看翁拈斷幾莖髭

余和章久不就文謂能  
卽和者當再依韻奉荅

戲題八大山人清湘子花果合冊

畫師何處堪著我萬物是薪心是火有薪無薪火性存隱顯少  
多無不可苦瓜雪个兩和尚目視天下其猶裸偶然動筆鉤物  
情肖生各與還胎卯心狂不問古河山指喻時拈小花果今年  
冬煥雪不至畦隴枯鬆荒菜赫東卿丈人趣最腴相呼走看化  
機影我忽推去不欲觀遺老悲襟託細瑣勃勃生理等興廢童  
童浮世老瘡跛君不見烏芋平生樸實頭石柵終有頑皮裏其  
中樸實外頑皮貯入羅筐任顛簸混元同證清淨根蓮子一窠  
花兩朵

林和靖梅花三十絕句墨稿羅六湖比部藏

詩如東野書西臺雪堂雙井交尊推豈意停雲兩札外遺墨零  
落湖山隈山人愛梅本天性爲兩三朵百千回酒痕茶肉盡閒

東洲艸堂詩鈔卷八

六

事日問梅花開未開何來詩艸三十首妙語繹繹春風催客路  
飄蓬果何事想當游櫓沿江淮是時孤山未結屋已覺塵世不  
在懷廣平或可語心事彭澤相與忘形骸書律跌宕亦無偶居  
然梅餘虬龍走紙光想見槐木椎筆精當出葛生手六湖愛賢  
非好奇寶此集外冰雪詞山雪夜明鶴無影更有山人詩外詩  
吳虹生舍人出示令祖湛園中丞丙子閏重九日與陳  
味齋浩學使燕集習池詩卷戴醇士補圖次韻一首  
黃花不辭閱塵世七十七年如等閒一卷徧題天下士幾人長  
似檻前山秋風秋雨涼外詩祖詩孫輝映閒賸有流傳遺研  
在公餘寬句掩柴關

回憶壬辰閏九日余方游昌平復成一律

元默執徐燕市客秋來未放酒杯閒閏重九日歎復歎看十三

陵山外山古意忽逢圖畫裏前游未墜鸞魂閒今歡昔恨終何極且息塵機靜閉關

題虞文靖書訓忠碑記後

記云天曆二年春三月甲子天子作奎章閣置學士官命典瑞都事柯九思爲參書日以圖史侍上上善其鑒辨博洽顧問家世侍御史趙世安進曰九思先臣謙嘗與修國史出提舉江淞學事以終其墓碑今學士虞集文九思以說書侍英皇潛邸至治未去伏田里乃今遭遇聖明去年羣臣度義效節以奉正緒區區微志無有大小悉簡帝心臣以爲若九思者父教之有素也上曰其賜碑首曰訓忠碑仍命臣集書臣集稽諸故實國家於公卿大臣勛勞宗舊凡有褒崇典禮備矣未有賜碑

東洲艸堂詩鈔卷八

七

名者賜碑名自柯謙始豈非臣子之榮幸者乎乃稽首述贊曰人生有常其大者綱持維家邦位辨志定率職受命罔敢不正審微於幾善動以時君子之爲君子有作有往無作匪素伊愕性智自天有教則伸人貴有親親以忠教克奉斯孝古昔之道皇錫訓忠匪私爾宮不示民風奎章閣侍書學士翰林直學士亞中大夫知制誥同修國史兼經筵官國子祭酒臣虞集記按柯敬仲以仁宗皇慶元年壬子生至英宗至治元年辛酉方十歲以說書侍英皇潛邸則尙在十歲前也至治僅三年去伏田里時亦止十二三歲至天曆二年己巳以典瑞都事爲參書參書者蓋卽鑒書博士也時僅十八歲耳非必有匡救彌諧之功止以少年小臣鑒辨博洽渥承

寵遇遂致訓忠名碑澤及先世雖屬詞臣榮遇而文宗好事未免重其所輕矣文靖是時欲乞一郡自便帝不之許倚任甚隆史稱其論薦人材必先器識於柯生宜無取焉而是文頗相推挹者時文宗外託固讓之名中懷周王之忌日恐羣臣有二心雖道園之正言讜論亦不免有所踟躕承詔撰述無敢謙謝觀其詞曰至治末去伏田里於今遭遇聖明以見泰定一朝九思竝未在京官泰定者文宗所不諡升祔者也所謂忠者可知矣又云羣臣度義效節以奉正緒是時文宗方遣人迎周王入繼大統何正緒之有文宗竊據帝位有無兄之心故文靖敢爲此語則所謂忠者又可知矣九思官止博土此後三年遂以末技詭譎劾罷所謂訓忠者安在平

東洲艸堂詩鈔卷八

八

文詞特莊雅可誦隸法亦迥穆余昔在龔定庵舍人處見文靖隸書小字出師表較此更精要是一路筆法敬仲鑒別書畫至今有名想見文靖執筆時亦以其少年儒雅不無溢譽文人結習宜然而道園學古錄及道園遺集皆不存此文或自刪卻或後人遺之皆未可定李寄雲侍御前輩得此墨本甚珍重屬爲題記因考論如此竝系一詩

赫赫天曆朝煌煌訓忠碑我繹訓忠義讀史多狐疑武皇二子存少者竊神基大兄在朔漠璽迎空飾詞烏乎忠孝義先自主上墮文學固足尙化理誠何裨丹邱侍英皇婉孌十歲兒參書未弱冠三絕稱一時先臣有義方幼孤豈能奇鑒辨亦小智謀非淡資崇隆奎章閣本接東宮楸算別置學士羣玉連內司

牙牌五十面懸佩鏘鏘垂咄哉虞伯生垂老侍書帷文請是時年六十八

一郡不可得進退殊委蛇歐陽立黃潛李洞揭斯同職相攀追

時俱在奎章閣俱稱大手筆麟鳳紛翔儀獨於柯氏文兩奉詔敕為柯

氏恩寵殊唐宗於羲之適為聖德累非可後法貽觀其論志命

亦有諷諭思無如君若臣懂懂瑣其規卒因詭譎技譴謫來相

隨老筆不矜重貢諛徒阿私七十二家篆古人皆所師研精惟

古隸道穆有餘姿斯文匪由衷集錄幸見遺風霜為發覆墨采

轉欽崎侍御志耽古斷章同賦詩欣然獲幽詵殊不汝瑕疵天

寒歲崢嶸梅花掩其枝披篋慨相示合我快而嘻愛人貴以德

文靖當有知君其固騰鏘莫合淺士窺

法時颿學士瀛洲亭圖為陳壽卿舍人賦癸卯

我行淨業湖邊路詩龕學士尋詩處積水空明野樹高多少蒼

東洲艸堂詩鈔卷八

九

茫詩外句瀛洲亭子閱人世新舊巢痕滿鷓鴣誰似先生抱僂

骨一一吟聲墜庭樹當時三上此亭來蒐討全唐披四庫遺文

古集盡羅網食貨官方詳訂注陶廬一錄淵海藏要使後生知

掌故偶然謠詠見根本始信江河非沮洳吾家望瀛有先兆先公

及第假歸於家塾池上陽曰望瀛幸蹋花輒接前步

賜書雖富讀難竟坐歎神明拋物務亭前古柳應笑人架上春

風空活蠢閉門卻掃時自警隔舍書聲真可妬君家屏幃有蓮

山尊甫偉堂師由詞林起家暫典絲綸監薇露家居略似小西涯尊居在玉

前輩風流待涖君不見學士移居似東野書篋紛紛少家具

呼杯作畫賀新廡吟社交游半寒素濫占青紫亦何賢不負清

華差可慕我期與子共勉旃未須白戰空誇把詩鑄壽卿得此圖余得學

士移居圖

張桂巖畫蓉桂圖爲倪海槎作有曉嵐罩谿儷笙雲臺  
諸老題句

芙蓉桂花開皎皎落月高雲弄清曉五十年來花幾劫一卷秋  
風香未了榮貴諧聲兼取義頌祝新詞羨諸老我思二者皆晚  
秀秋氣入根最清矯枝葉枝枝戰戰霜夜花蘂煌煌照晴昊直從  
根柢出芬豔笑彼江湖爛蒲蓼倪君猷猷信秋士冷畫荒碑恣  
尋討聊復爾爾收此圖子貴孫榮宜永保

題李寄雲侍御摹黃鶴山人聽雨樓圖卷

黃鶴山人餘遁景寄雲居士筆端收詩心到處能聽雨畫裏憑  
虛自作樓岫壑超遙同麕鹿風雷震盪避閒鷗何時麥隴甘霖  
足共作郊原汗漫游

倪雲林詩冊爲羅六湖題

東洲艸堂詩鈔卷八

十

今世所傳雲林集分體爲卷觀此冊次第知分體由後  
人所爲非本意也雲林當日著稟張天雨俞和爲書成  
帙藏於家蓋卽此本矣六湖兄得此甚珍異屬爲題記  
漫與得詩一篇

古人愛名甚存集多手編次第列珠玉妙理忘蹠筌一經後人  
錄真意每不傳天吳與紫鳳顛倒隨移遷試觀高士集題次沿  
歲年平生足目寄宛與文字牽詩孫梓遺艸所志誠孝賢分體  
自爲卷孰省後與先自從陶謝集滕葛苦糾纏誇多強附麗索  
解費鑿穿高士亦何幸張俞第其篇六湖善寶此劄期無愆  
臨風發長慨古意狂朱紘十月江南未隕霜青楓欲赤碧梧黃  
雲林此詩見婉古錄香祖筆記引之此冊中無之而世傳雲林  
集已載入然易十月爲八月語意舛矣漫記之見古人妙斷後  
人切不可爲改訂也

宋人丹荔圖用東坡初食荔支韻爲李寄雲題

人間門第崔與盧依隨時勢分苑枯惟有方紅與陳紫千年果  
園名獨驅林風六月張帷襦過時顏色變肌膚坐令詩饒與酒  
渴遠想雋味如名姝此圖色鮮香味無紅雲醅醅生座隅皮相  
已知龍眼俗意飽更覺楊梅癩我昔閩海斟密醕光明晝見堆  
明珠更排籊籠裏紅皺快佐茗飲烹雲腴扁舟空過荔支浦斜  
陽競賣秋江鱸回甘聊用醒詩癯倩寫青林橄欖圖昔年使閩  
歸舟過橄  
欖林曾倩蔡玉山前輩作圖閩中荔子  
在六月時抵閩後但得密浸荔支矣

題程木庵所藏彝器拓本

羊戈辛爵號周鍾讓老圖形注考工家學未荒蟬藻碧古光先  
證鴈鐙紅珊瑚錯落交柯樹竹屋輝煌貫月虹卻笑木庵心似  
木間中雕盡古來蟲余昔年爲六舟作鴈足  
鐙攷及詩卽木翁物也

東洲艸堂詩鈔卷八

次韵和王景友六十自壽

北海康成後一人禮堂垂老箸書身道從文字窺三極心與乾  
坤劑五辰艸澤儒生隨牧豕淡山名士自肩薪益篋幸託忘年  
契野館西風動酒鱗

宦味無端喜不禁磨餘鐵硯化瑤琴要將禮樂當時法默證羲  
皇太古心熟麥千畦看夏過寒蛩一徑又秋澹閒雲出岫遲遲  
意靜察時病與下鍼

浩氣蟠歸汶長書淋漓煙墨爛包苴古今聲不滄宮徵俯仰形  
難遁魯魚盛業儻教甄石室同文直與達毛車超斯軼籀追皇  
韻達士通人古孰如

吾生近抱有誰知鬢髮依然氣漸衰塵面自慙祛蠹癩俗書翻  
爲換鶯疲雲霄日月看平過鐘鼎山林竟孰宜警惰懲昏懷老

友心光中夜發幽奇

爲苗仙露同年題畫竹

月落庭空葉自鳴  
霜寒節瘦轉崢嶸  
何當老屋書燈裏  
靜聽疏枝雪打聲

題宋人九老圖

白香山七老會詩序云胡吉劉鄭盧張等六賢皆多年壽余亦次焉偶於東都敝居履道坊合成尚齒之會七老相顧既醉且歡靜而思之此會希有因各賦七言六韵詩以紀之或傳諸好事者會昌五年三月二十四日於白家履道宅同宴宴罷賦詩時祕書狄兼謩河南尹盧貞以年未七十雖與會而不及列其所謂七老者前懷州司馬安定胡杲年八十九衛尉卿致仕馮翊吉皎

東洲艸堂詩鈔卷八

十二

八十八前磁州刺史廣平劉貞八十七前右龍武軍長史滎陽鄭據八十五前侍御史內供奉范陽盧眞八十三前永州刺史清河張渾七十七刑部尚書致仕白居易七十四也又九老圖詩序云其年夏又有二老年猶絕倫同歸故鄉亦來斯會續命書姓名年齒寫其形貌附於圖右與前七老題爲九老圖仍以一絕贈之所謂二老者洛中遺老李元爽季一百三十六歸洛僧如滿年九十五也新唐書本傳云居易自號香山居士與胡杲吉皎劉貞盧眞張渾狄兼謩輩集皆高年不仕者人慕之繪爲九老圖既誤以狄盧列九老又九老者先自爲七老圖後增爲九老高致自傳非由它人慕寫新書之不足據如此又事文類聚云李文正昉罷相居京

師年七十一張好問八十五李運八十宋琪武允成皆  
七十九僧贊甯七十八魏石七十六楊微之七十五朱  
昂與成同庚作九老會此亦當有圖畫流傳者兩朝盛  
事者舊風流如于囑相唱答又皆有一老僧踞踞其閒  
若蓮社高賢圖之有遠公西園雅集圖之有圓通大師  
藉彼禪悅冥我世機千載而下想見諸君子身際治平  
卓絕勇退林泉之適松鶴之壽益簪聯韻之歡孰唐孰  
宋况若一室余於季雲侍御前輩處獲見是圖歎之羨  
之無暇論畫也而畫之妙正亦何待余言系以詩曰

巾拂歸來帶御香高懷同寄水雲鄉自標韻事詩隨畫妙踵流  
風宋滌唐觀奔乍知塵境隔簪花偏愛老人狂古情可許迢遙  
接九客尋秋萬柳堂今年重陽前日余與姚石南梅伯言馬湘  
驅陳頌南蘇震堂朱伯韓湯海秋王少鶴

東洲艸堂詩鈔卷八

十三

共九人集於萬柳堂  
俱有吟詠漫附及之

文衡山秋庭讀書圖爲李季雲侍御題

秋來每四顧畫意滿虛空默坐屋廬靜悠然天地通微泉帶寒  
石枯木起遙風想見西齋裏幽懷與我同西齋詩見  
甫田集

題邵惠西影像

身者心之宅影者形之符人不自見形何不視影乎日月互隱  
現鑿光察肥臞不得有語言爾我相瑕瑜寂然坐虛室日月鏡  
俱無有手或妄指有足或邪趨影在在無際神鬼來座隅何況  
心膽中影至不須臾近影著行習遠影懸鄉都前影古賢歎後  
影來者吁惟君澹定性人海砥浮愚警書長閉門不辨四達衢  
豈知自畏影如奉師與儒可以守性命亦足歛肌膚披圖試自  
返吾幸有真吾吾影與子影願獲相匡扶

書丁敬身隸書詩幅後魏條珊藏

少時刻印摹兩京最愛完白鋒勁橫同時惟有陳曼生後來始知丁龍泓與鄧殊勢堪齊名龍泓金石學詣精八分篆書有法程作詩務險不趨平仄磴獨與猿蛇爭此詩自寫韜光行聞泉漱雪出世情隸法迺穆超蹊眈如其詩多聲外聲始知琢印餘技鳴世人傳賞重所輕杭州魏子鄉思盈父老遺墨多藏擎梅花亂開酒滿觥四壁瞻顧意思清如行西湖趁飛雲鈍丁篆字希錚錚何日更令吾眼明

宗滌樓憶永州山水圖

秋來鄉寢多如雨南望家山何處所濂谿水清月巖古乃在瀟寢最深處自從少小有遠游飽颿快馬無時休北登太行狂燕闕遇子越吳天盡頭胸中邱壑都可畫畫理詩情別流派惟有

東洲艸堂詩鈔卷八

十四

家山景特殊幽不厭淡奇不怪金碧氣無沙土痕洞庭茫茫霜葉翻何時一櫂卻歸去選住煙山淡處村

題望雲思鴈圖

望雲雲何方思鴈鴈已翔雲遙鴈不返旅魄長飛揚緬其孝友性不異毛與姜根底見學術發揮爲文章千里方軼塵二豎乃爲殃悲哉彌留際至性迂中腸欲泣不能泣欲語不可詳雲容何慘澹鴈聲失其行黃君信敦摯圖畫代寫將寫其意惘惘望彼天茫茫風煙一萬重遺憾轉蒼涼無合阿翁見老淚空浪浪

題趙心泉攜琴圖

心泉才思千人選神清氣澤文奧衍方紆組綬值星曹卻抱絲桐望雲嘯長安塵土能汗人顛倒西風任纓冕俗士吹竽信可憐迂儒膠柱愁難轉居然情性見陶淑自覺才名得舒展凍雪

初圍雪未落酒杯欲來寒可遣何妨爲鼓一再行使我如魚陟  
冰蠶脫繭

題陳淮生金門宦隱圖

有竹有樹有危石藏雲藏屋兼藏書書三萬卷畫千軸醞釀此  
心能有餘看山聽水寄跡相吟詩把酒自吸嗟隱身隱心原異  
趣觀物觀我歸一初人閒何處我堪隱寸田尺宅聊菑畝兒童  
書聲似鄉里門外喧喧紛毀譽

次韵和潘芝軒相國師重游泮宮

星長曳履接高天萬羽齊瞻彩鳳翩調鼎早占梅子詠師自注是年詩

題梅子黃時雨采芹難忘菜根緣春雲

紫禁重迴首舊雨青衿孰比肩問訊江南與江北居然平地有

三仙師詩寄吳鑑庵先生坊廬及阮儀徵師相

東洲卅堂詩鈔卷八

十五

九州才士盡升堂鑑澈衡平妙度量珊瑚千枝歸掌握龍門一

癡有心香師詩云龍門親切許升堂玉尺曾經謝傳量自注云謂金圃師金甌事業書爲鏡師所

著有讀史鏡古錄及熙朝宰輔錄玉樹才名笏在牀還是秀才風味永公餘雪

硯發奇光

吳鑑庵先生重游泮宮詩

三十年中兩狀元壬戌棟華丈壬辰晴舫師竹林佳話數吳門誰知泮水重

游健更有靈光一老尊鷗鷺漁樵同大隱文章事業付諸孫相

臣手握金甌重雪夜題詩寄小園謂芝軒師

金湘門丈桐竹成陰圖

老樹陰團變怪石貌嶮嶽從來古靜地妙契天人心丈人職轉  
輸使節十載臨卬丁拯鯨餓察吏區暫黔至今湘水上仁波有  
同斟蕭然遂初服遠想託瑤琴朵朵芝蘭秀鏘鏘鸞鳳音桐竹

其閒暇何處著華簪下有百尺根上有十畝陰暮轉森鬱霜  
雪何由侵

東洲艸堂詩鈔卷八

東洲艸堂詩鈔卷九

道州 何紹基 子貞

李少峯同年授經圖 甲辰

球芝巷前春夜雨釀出紫藤花萬乳少峯當時靜下帷我與會  
文來僂僂吟聲縱後龍鸞翔酒椀酣餘蜂蜨聚別來鷓蟀五六  
改人事蒼茫不堪數君直

丙廷持使節文譽隆隆天尺五我悲風木守荒山旋睹惡氛滯  
江浦竭來握手一笑歎史館巢痕同息羽琢磨道德敦舊盟商  
推傳志光冊府與君家世有同揆已幸承明偕接武貴從忠孝  
植本根未恃文章粲瓊組春晨示我授經圖兒時青鐙化為古  
令我淒然泣遺硯今日與君同失怙睇閱時事多隱憂想望前  
人盛高矩青天白日如空山一夜詩心增愴楚

東洲艸堂詩鈔卷九

題秋鐙課讀圖為少峯作

入直

三天禁漏清嶽雲海日照持衡迴思茅屋機聲裏一穗秋鐙比  
月明

汪寫園叢桂堂圖

古桂花濃竹影清退思來聽讀書聲十年作郡無餘俸八子傳  
經有令名詩老風流繼韓白儒林家世數韋平刪除俗學非它  
法澹泊能令此志明 用先生自記語意

孟兩山博士舍餞觀德圖

兩山別來幾冬夏駒隙堂堂殊可怕每逢印老 許印林 與竹兄 李竹  
朋傳語近事真慰藉三遷學舍如黨庠八能樂器儲宣榭敦睦  
祖舊薄名利定省慈闈謹晨夜遙遙千載亞聖心昭章仁義區

王霸欲閑聖道王制詳務正人心邪慝化如君不負遺澤存作  
事能令末俗詭人收與芻終可得孺子入井見猶乍願持此理  
貫百年勉赴修途勤十駕卽今披圖有淡思瀟灑舍館復觀射  
鳧嶂秀色照仁里梧竹清風生子舍何時肅佩謁廟庭相與尋  
碑更觀稼

五月初一日奉

命充貴州副考官紀

恩恭賦

花甌接武忝家聲作賦優沾

賜錦榮

己亥癸卯 廷試  
俱被文綺之賜

八掌文衡先績炳重銜使命小臣驚

瀾迴紫海氛初靜雨落黃河氣未平

宵旰憂勞方仄席邊山勤去采邦楨

東洲艸堂詩鈔卷九

十九日到 史館作 昔直

武英殿職僅校書服闋後直

國史館兼辦傳志每三六九館期風雨無閒茲將暫離史

局不無戀戀謹賦一首

東華雲日首重迴雨雨風風儼直來字樣早窺

天祿祕篇家真愧史官才形容將相欽

神柄

近撰松文清文文  
恭陳忠愍諸傳

鉤考江河貴別裁

承修河渠志

屈指巢痕重

認取南枝香動

御園梅

出都四首

母年將八旬兒行七千里不辭遠行邁戀戀惟甘旨惟先司農  
公名德陟顯仕隆隆四十年時望中外倚家風轉澹泊清氣在

桃李門內皆布衣門前少華軌小子繼史職亦將十年矣載承持節榮未覺乘輅喜因循逾二旬官牒促鞭弭北堂一跪拜簌簌淚不止吾母爲破顏扶杖強立起

憶昔歲己亥奉使閩海邊持衡兩世繼佳語槐廳傳臨行領嚴訓教慰語相牽父子相持哭不省所以然仲弟送郊外午熱日赤圓啖瓜相與別瓜剖心憫憐是秋司農公京兆職書賢竝典中外試三見二百年季子雋南國風催孝廉船家書南北馳喜懼相包纏皆緣貴盛集冀以惕厲全誰期歲暮歸仲子赴九泉悽惶度新歲失怙悲終天嘯吁門庭事盛極有變遷如山頽不復如水逝不旋哀哀泣古寺昏昏度湘烟黯黯新阡卜元元豐碑鐫嗟從比歲來痛喘復苟延奉母入國門迴視隔世然使車今再發能不心悵悵

東洲艸堂詩鈔卷九

叔子抱才略鉛刀期一試萬里宰滇南懷親鬱神志季子卻超然專謹枉奉侍春風亂紅紫目靜看花騎五弟今年未入春闈自從前月來吾母下階墜步履艱未復撫摩要勤至諸孫粲成行苦不盡解事萬緒止一端再拜別吾季堂前一尺土渴盡兩人淚破涕從此行家書幾時寄

平生友朋樂妙集當時英冠蓋尋冷交琴尊栖古情詞林多矯矯諫院尤觥觥下僚經世懷高士箸書聲凡我所不足諸君分其羸我有萬一能仰報竭肅誠球鐘若互蒼竹柏映逾清聞余濫星使喜與稽古榮仍悵半年別念我萬里行或云使黔役用小屈才宏此語乃謬誤程材視其衡遇川必懷珠逢山當采瓊祇虞力不足還戒心自盲誓擷邊山秀歸使大國驚豈徒畏簡書亦報我友生

別顧先生祠

亭林先生祠小子始營繕繁惟城西偏慈仁森佛殿當時寺宇  
宏帀集萃圖卷國初諸老儒買書乘暇宴先生結契廣僑寓置  
鑪扇至今雙松下仿佛見遺跡承平二百載光陰若流箭古碣  
餘斷龜空梁墜飢燕我卜隙地寬謂可靈爽奠諸公聞此議合  
作相呼忤畚鍤猥見屬木屐自遴揀刪蕪出古樹明月夜來宵  
崇崇屋三楹爛爛秋一片落成奉遺像覽揆潔盥薦肅然道義  
容警我塵土賤車徐譜歲月張子重論譔江南大河北餘韻蒐  
討徧張石州據車秋船徐星翁所撰亭林年譜合爲定本增益  
辨正甚博且精攜稿至山東江南蒐得遺事詩文頗多  
勒記待貞珉儀徵濡老硯阮相國師記文尙未寄到冬雲倏已飄春鶯復來  
轉次第皆識職初終矢無倦持衡

恩命被萬里指羅甸登程復過祠仰止有餘眷滯惟明代末世

東洲艸堂詩鈔卷九

四

苦龍蛇戰氣節誠乃隆兵將多不練小儒獨何爲俗學爭相煽  
語錄飾陋窳詞章鬪輕蒨先生任道堅千古係後先研窮經史  
通曠明天人見鬱積忠孝懷慘澹時世變同時顧李閻驂斬隨  
鞞鞞餘子因人成鞭撻亦相戀經心執聖權首敢

熙朝彥兵刑禮樂尊九數六書衍漢宋包羣流周孔接一線精  
光爍日星果力策雷電自非菰中人孰開眾目眩欽惟

純廟年四庫盛編纂萬軸歸

文淵千士萃祕院儀徵實後至艸舛儒林傳論學采源流全編

有冕弁奏御當

先皇

乙覽大稱善

阮師撰擬史館儒林傳業以先生居首至嘉  
慶初年顧丈薤揆業立傳進書時即依原次元氣

入人心史筆非私擅小子雖慙學遺書早窺眄洎與修史職讀

傳生歎羨從來聖道大青史資爛絢微言察天地正路化狂狷  
功名與文章因時見陶鍊惟茲下學事萬古有繼禪儒林道學  
分宋史安於衒六藝天道樞班書儒林傳語意傳例重班掾先生冠儒  
林狂瀾植厓堰君親鑿吾身學行須貫穿願從實踐入敢恃虛  
談便且當語黔士庶弗規爲瑱再拜別先生歸來已寒霰

慈航寺

內有方恪敏所設養濟院

賢哉方恪敏淡意託禪林法雨慈悲力甘棠豈弟心小橋流水  
靜涼院午陰淡避熱多官長清風孰嗣音

宏恩寺松

高松十丈高入雲低松丈餘低拂人高者不俛低不仰各數十  
幹爭輪困我來正被炎塵裏熱雨如湯日如火手蒲葵扇寺前  
行背石磬陀松下坐清風遠引先蕭騷高松低松同一濤黃山

東洲艸堂詩鈔卷九

五

白岳躑已到佛雲香界天增高遠循門碑歎且讀前代瑤奴此  
祈福滄桑空閱法輪轉樓闕惟瞻

行殿肅我

皇儉德同堯階金鋪玉戶生莓苔松氣猶龍靜自吼

兩朝曾見

翠華來

保陽行館

平生嬾慢性巾履紛頽垢但有四尺牀由我屈伸肘行行至清  
苑劇要邑稱首主人日不遑僕子意多苟破店爲供張入門室  
如斗積塵堆土牀日氣蒸荒牖炎熱不可追閉置車中婦盤飧  
尤艸艸一箸難入口慙愧對故人聊與傾苦酒時行東之蔡回  
凝堂在座  
思計偕日落日挂高柳茆店擇所適村隴任閒走乘傳今則榮

苦樂由人手踞轉且安眠似此蓋亦偶

圓津庵

庵在內邛縣城南十八里陳明府敬猷著人設茗游憩

久之

平生游事多艸艸陟磴穿雲如過鳥人嗤餘勇何處使我頗清  
光先滿抱內邛城外方午晴上戴炎曦下涉潦大尹多情念行  
路謂可少休祛熱惱圓津古觀到人眼延綠小亭栖木杪蕉林  
相國舊題延綵二字扁梁桐城尚書重結造方恪敏回廊曲

檻雖娟悅怪石蒼藤最奇矯二三十年樹難識三四十竿竹偏

好壁閒詩句吾嬾讀雨後清風要吹飽層坡屈曲漸升高十里

烟雲看未了茗甌酌向石臺上松香竹韵紛來繞蕭然頽散不

自知脫帽解衣思睡倒誰言河北塵土惡似行江南烟樹曉更

東洲艸堂詩鈔卷九

六

規野水作漣漪擬著扁舟浮浩渺

祖逖故里

一代清談不習戎居然擊楫大江中荒雞早激英雄氣駿馬能  
收戰將功酒置河南諸老泣鋒摧冀北壯圖空譙梁祠墓知何  
處故里蕭蕭野樹風

邯鄲

一生須有一生緣不愛塵凡也厭仙走馬邯鄲沽酒去吟風看  
月自年年

東葛藕船學士

玉堂學士辭鑾坡我亦史局休編摩部牒官馬促行李輶車疾  
走飛輕梭畿南愁霖二千里大達積潦如江河輿夫避淖亂插  
足穿屣度壘輾麥禾牛驢驚奔失迴顧農父瞪目防撝訶使者

心傷色愈厲王程期限無委蛇昨宵行館復大雨階庭頃刻生  
濤波天明雨止又行邁赤日到面顏疑舵肩輿搖兀熱如釜兩  
足窘迫憎其鞞道旁古寺獲小憩上有高松下芟荷高松盤盤  
五六丈鷺鷥結就菱蘆窠晨暮清谿恣翔啄午炎綠蔭相婆娑  
生物之智固有此合我內反媿已多營營文字本塵土擾擾名  
利同罽羅從今罷賦行路難苦雨苦熱慙不歌卻隨牧童赴村  
郭靜聽蛩語生庭莎清風颯至明月出與君薄醉當如何

慈壽日

念我萱闈近八旬年來髮齒健精神弄牀自引孫曾樂扶杖難  
忘井臼親星指且蘭天萬里雲依慈竹壽千春團圓寢繞稱觴

日鴈影差池各愛身

止五弟  
在家

雨

東洲艸堂詩鈔卷九

七

咄哉一片雨誰爲遣滂沱落作黃河水遽成東逝波惟應羨雲  
霧時復蹙盤渦去去勿回顧天無如雨何

渡河

二十五里外見隄如見河茫茫生敬戒浩浩復經過微翠遠山  
色濁黃終古波東南決未復謁者意如何

苦熱

奇暑如奇寒使人心氣頽雖懷冰雪性安得歔塵開請君茆檐  
坐酌此苦茗杯炎節苟不極西風何自來

道旁樹

飛塵三丈高馳輿走軒軒道旁得大樹暫憩清風翩憶當葉脫  
霜盡委冬日溫因循暑節至綠陰雲比繁苑枯聽天使炎涼與  
人恩投醪及挾纊小惠遂自言

蠅

半日黃河兩岸行二三十里絕蠅聲變更黑白雖天性止向人家多處生

野人家

驛舍如流送使車晚風行人野人家坏泥作盤畫文彩屈木爲牀隨曲斜土美雨增瓜豆力艸香晴健馬牛牙山中漸喜西成近顧我征塵未有涯

萱艸

輝輝萱艸花合我念慈帷粲粲紫荆樹合我懷連枝艸木自生長人心多別離出門百里外何處非天涯

村鷗

意行入村鷗屋宇見村簡菽麻繞屋深栗棗垂滿眼從來天下

東洲艸堂詩鈔卷九

八

中土德豐所產羣兒出看客拾瓦逐吠犬犬性本自然兒意無乃徧牧童烟雨中人牛意殊善

夏蟲

夏蟲戢戢雨後長天與能鳴非一族可悲可喜感人思蛩語似歌蟬似哭野池蛙黽晚多事喧聒無情不堪錄天生此物有淡意要使聞聲心化木

荊州以南陸路爲水所斷改由水驛

岷峨走山水衡鄂荒風煙荊州大都會自昔威稜專我渡黃河來炎塵攪行鞭漾水波浩洶荆門嶺連綿心知山水與勢斷有幹旋况逢故人聚李戰門觀察程省齋太守益幸勝賞延行至城下蕩蕩高不騫行館何偏仄僻在城西偏城頭置長纆出入繩跟肩晝閉西北門云防大隄穿隄穿江滿城前鑿在往年坐遲伏汛過

乃慶孤城全噫嘻江水源滌自滇與川大山日月藏大樹元氣  
連雲雨助泉胎洩此萬里淵芸芸生民繁逐逐嗜欲牽伐木涸  
巖澗削嶺開阡陌雲木亂菟枯雨暘失節宣泥石排艸樹推流  
成積填江腹不及受浩溢遂無邊水中田廬化水面城郭懸大  
江有門途此郡實關鍵門途既荒敗關鍵何由堅樓堞雖宛在  
民氣長蕭然將軍亦能軍射水弩無弦守令職牧民其魚恆自  
憐惟希數載後天心有移遷安彼蛟與龍還我屋與田我昔過  
鶴樓斜陽滯歸船江深四十丈此語父老傳遂乘明月定測向  
淡波圓繩長不十丈已著水底天庚子冬舟泊夏口荆州距武  
至江心湖深如此荆州距武  
昌計里已逾千積高形可想瀾漫勢所便前途水潦塞行輶無  
由過使者來擊楫榜人聞扣舷夜雨亦何苦水聲不得眠靜念  
江濱上亦有治水員大吏有聞見斯計安出焉黃河決未復帑

東洲艸堂詩鈔卷九

九

缺方勸捐

到常德得楊性農親家信喜晤阿兄荔農

荔農十年不相見意氣向人彌穩練雖云壯志厭看鬚無奈老  
痕都著面朗江清清不可孤高杯大扇容狂呼崑崎歷落休相  
笑脫卻征袍一野夫

修梧奇竹性農性文采幽騰風骨正一第蹉跎笑問天千秋著  
作還爭命書來告我秋閉關舟車高挂風日閒母健妻賢兒子  
秀讀書飲酒看青山

鄧湘皋丈見示沅湘耆舊集竝得知湘中故人近狀感

歎有作

丈人顧我歎不見十年來慘澹名山業遲留夜月杯秋荒聽雨  
屋雲渠丈已下世春老授經臺仲即小泉  
已舉孝廉問到河西墓蒼山萬木哀先

安公葬長沙河西

一慟成者舊蒼涼數首詩楹書雖好在洛誦感淡知先公全集錄入者舊集魂斷聯珠集才憐片玉詞弟于毅詩趨庭今

夜寢悲慰兩俱疑出都以來吾父與教弟幾於無夜不入寢

短燭看身世淡談抵嘯歌感時秋水至時各郡縣皆苦水讀書故山多

丈人為題王蓮心先生瀟湘冊子老筆紛金石沈栗翁黃虎癡高吟尙薜蘿湯小語文

章繫忠孝期獎意如何

### 武陵曉發

曉霧齊飛萬綠環居然風景近鄉關新粳米熟桃源洞苦荀林香葛府山荒市白雲爭送客野村流水自成灣谿翁笑指前行路記取山亭半日間

### 木瓜山

### 東洲艸堂詩鈔卷九

十

澧蘭沉芷湘江竹楚國芬芳萬古情卻怪謫仙題句後山頭無復木瓜生

### 東藕船

殿前作賦振瓊琚華秩親承

御筆除由藕船以編修超擢學士句法流傳增望重詞林領袖懷

虛雲龍瑞色團香案時奉命山水清光照使車到處誼呼看

學士綠陰涼院正攤書

我慚接武到花甌使節重持漫五年身事蒼涼霜後果情懷澹

沱雨餘天香風澧浦移秋權古洞辰山破曉煙棖瀾闔游思舊

侶西江詩社總前緣蔡玉山前輩觀察從澧州寄書來問

### 晴

萬壑濛濛裏旋看野色分荒村拖賸雨危石礙歸雲澗緩新波

勢浩明古澗紋陰晴問明日山氣晚氤氳

次藕舫桃源河詩韵

一櫂漁舟返何人更滌源田園千載後雞犬幾家存古樹雲爲影修篁石作根流泉山下去終古不知門

當代陶徵士高文託興新山河看晉魏風雨想周秦野廟荒誰葺殘碑半不真桑麻秋正好聊與問前津

洞口有淵明祠

秦人洞

秦皇虎視埽六合六雄俛首皆稱臣既班詔書壹度量盡銷鋒虞坑儒紳豈知亂萌有先見攜兒擊婦稱避秦巖居不止楚三戶本俗尙是周遺民當時丞相非臣斯小篆未出况八分山中俎豆尙周製當有六經真古文後來陳農不及采矧彼羸燄何由焚惜哉漁父不識字忘谿遠近空逶循郡國屋壁既難恃大

東洲艸堂詩鈔卷九

十一

航頭書來亂真南陽高士志尤阻柴桑隱者詩徒新谿水縈紆三百里桃花開落幾千春我知難免洞中笑終古紛紛皆外人

荅藕舫

古洞言尋大小酉炎天已過後先庚辰關快雨馬神溼行館在馬神廟側  
午夜晴河牛女明南國佳人乞天巧西江學士動詩情無端萬緒予懷集聽盡牀頭絡緯聲

七夕

還家遠寤知難卜十幅湘簾盡上鉤一水盈盈初入夜雙星澹澹不禁秋涼風乍拂凌波浦殘月低垂乞巧樓莫笑匏瓜太無匹青天碧海不知愁

山石

峨峨山上石萬族難具論伏若神鬼幽莊若將相尊恣作龍蛇

蟠猶似虎豹蹲殊形化一氣併向西南奔山力健欲飛負戴同  
掀翻眾怪不得出蹋齧腹背跟山厚若不知靜制萬動源陰以  
艸木華澤以雲雨繁羣石如嬰兒得母不及恩從茲千萬古相  
與安且敦

辰龍關遇雨

山外忽見天天外復見山山天不相讓盡作辰龍關北不見秦  
洞南不見谿蠻管以數尺地儼若內外閑石壁訝斗絕秋天凜  
其顏飛鳥所不到猿猿況能攀一輿繩兩縷人力躡天艱懸崖  
古踝痕繡盡苔蘚斑下關勢漸夷墟里人煙環一飯聊可憩野  
館花木嫺大雨勢何突頽雲氣尤頑狂風來卷雨山壁溼斑爛  
意欲一掃盪所苦風力屏風定雨亦歇娟娟千髻鬟但見辰關  
上山煙閒往還

亂水

東洲艸堂詩鈔卷九

十二

亂水無正流亂山無正峯直立側立石橫生倒生松清風颯然  
至澗壑千琴鏞羣喧有至靜令我竦聽恭白日落何處失卻東  
西蹤但見山山顛倒影明複重歸雲絃行子入戶低相從暝色  
四面來檐罅皆彌縫皎月升夜輝一破野靄封照見千山影金  
波玉芙蓉

羣山不得路奔騰趨古驛到門又不入襪襪如荒客或莊若足  
恭或樸若坦易或傲若危坐或低若落魄雖云異情性皆可遺  
形迹無言生古懷命酒對叢碧醉抱山影眠風煙來鼻息但愁  
飛越難使我癡路窄

輿夫

輿夫生山中山力聚兩股加以兩縷牢有似傳翼虎荒石不成

象凹凸生鋒距直上若登天面對赤日午造顛乃復下行子不敢俛橫覽強自排顛頓且由汝森壁連側斜十里無棲羽炎日炙幽蛩啾啾聒林莽

船谿驛夜雨達旦

雲氣不翳山雷聲不殷谷山雨何處來潛師如發伏然鐙照宵宴光氣難出屋雨聲稍欲斷蛩語紛相續狂霖忽橫肆夜氣並逐疾如發萬弩沛若決四瀆壓寢不復醒寢催起行速天明雨未歇聊與休童僕

山靈出狡獪作意給游子滂沛時一來涓滴忽復止客心自恬然吾今且休矣斟酌酒盈樽橫斜書落紙學士坐下簾靜研三聖旨藉船日枯蚊得雨氣勢若飢軍起嗜嚙聽所爲雨候何足恃山溪秋未到野花亂紅紫湧沓復無情葩鄂紛披委檐雀飛

東洲艸堂詩鈔卷九

十三

上樹似語晴可喜客有再宿緣明晨看行李

紫荆神祠

船谿驛行館

巧婦入門闔能移手足親如何紫荆樹幻作女郎神祠宇依行館禳祈動野人好花紅爛漫占盡一山春

山塘和藕船韻

花下稽留一日行征衫又見野煙生層巖直上懸將落萬壑爭流怒不平丹岫撥雲秋寺老山塘聽雨夜鐙橫君休爲我詩懷瘦笑問黔山定幾程余偶不甚適藕船岑寂可念

山雨

短笠團團避樹枝初涼天氣野行宜谿雲到處自相聚山雨忽來人不知馬上衣巾任沾溼村邊瓜豆也離披新晴盡放峯巒出萬瀑齊飛又一奇

霧

山氣曉未收，不雨卽成霧。游子行相呼，先後無十步。因循得夷途，渺莽失回顧。初陽破積氛，靜數山頭樹。

丹山洞

辰谿縣對河

沉陵三日未逾界，石突山頑雲色怪。看盡峯巒不迴首，何處好山堪入畫。辰谿山色殊不同，蒼顏秀骨嵌玲瓏。丹山絕頂更傑恣，一眺萬里雲煙空。懸崖側斜瞰水府，孤寺兀傲凌蒼穹。頽雲倉皇化爲雨，石壁動搖都是風。沅江西來疾如馬，到此盤旋頓鞭韉。狂風卷水飛入雲，一氣茫茫蓋天下。洞門陰澹畱古寒，百丈下有蛟龍蟠。腥涎競涌四壁出，奇雨倒向空中團。憑闌倏忽易光景，電掣風迴煙水永。映日鱗鱗萬屋明，黏天葉葉漁舟靜。游人心悸神已愉，老僧煮茗然輒鑪。他時說與玉山交，爲寫丹

東洲艸堂詩鈔卷九

十四

山使雨圖

昔年使閩每山水勝游余皆有詩玉山前輩必有圖

水邊看月

少年狎浪浮湘舸，江頭明月狂過我。看人醉倒照人眠，睡醒一身涼露裏。今日步循沅水濱，天邊明月瘦似人。不知見我有何愧，斜行疾落難爲親。沅湘通波不千里，月意差池乃如此。何況山雲水面風，怱怱相顧各西東。

芷江行館近接楊家唐家兩園爲賦二小詩

素心蘭

淡心太素絕聲聞，悔託靈根壓眾芳。萬古貞風懷屈子，一江白月弔湘君。香逾澹處偏成蜜，色到眞時欲化雲。園榭秋光都占盡，故應冰雪有奇文。

謂楊遠村明經

盆竹

秋篁幾竿直古鉢三尺圓下既不得地上故不造天無處展枝  
葉何由掃雲煙依然根節好涼月夜娟娟

玉筍堂詩

有序

道光甲辰秋七月余與萬藕船學士使黔行至沅州阻  
雨謝篠莊大令同年來晤於行館適後院有隙地頗就  
蕪余曰何不及此雨候盡與種竹乎篠莊欣然即令人  
於城外移來數百竿不半日閒風梢霧葉修篁成林余  
聞篠莊爲合敦俗重儒士氣興起因題一額曰玉筍堂  
蓋非徒記一時會合游憩之樂亦冀此邦人士抱節浮  
筠干霄直上有如此竹也既別後復作此詩紀事以張  
佳話寫餘興焉

沅州一夜浪浪雨路滑雲濛滯行旅奇想忽從荒處生人功正

東洲艸堂詩鈔卷九

十五

及天膏聚此君排闥至何速官符促調誰能拒昨夜吟酣野外  
秋今宵醉裏城中土揮訶木魅越牆走驅使山靈荷鋤舞雨聲  
方戰竹聲來狂風下瓦雷伐鼓泥中澀澀百夫忙煙外蕭蕭萬  
葉語主客相視竹大笑我有贈言煩記取深冬大雪要培壅來  
歲雛萌戒偷責頑鞭易長佳篠難屈節須芟稀處補豈惟要術  
仿齊民頗謂用心通治譜長官愛客兼愛竹因客得竹固其所  
長官愛竹尤愛士護竹如士培植苦我家瀟湘初發源沅澧通  
波連五渚從來桑梓有恭敬忝賦皇華漫矜詡學士先題珠玉  
詞吉語定符鸞鳳羽我書玉筍榜虛堂愛士如竹客卽主雙星  
使者宰官身韵事忽逢萍聚新溪談商許到身世明日別離多  
苦辛驛館華燈今夕酒渡頭荒樹古來春他年鴻爪如重印佳  
士修篁是主人

素心蘭

藕船云詠此花惟心字難寫出復戲作一首

國香異凡品獨汝尤矜重素素亦何淡心心看欲動露鬢曉黏  
蟬冰鷺春化蛹胸前白似雪想見西子捧報君以赤心厥語樸  
可悚何如守芳潔澹極不知寵

芷江早發

前宵猛雨捲蓬廬此日輕風送使車斷澗琤琮清磬響荒巖詰  
曲古文書山容奧異有靈氣雲意混茫還太虛石壁凝凝火焦  
色媧皇鍊後益焚餘

高巖

高巖若夏屋延石更延壤稜稜輒輒痕隱隱機春響疑有上古  
人雲石自和養不令塵世知知亦無由往

東洲艸堂詩鈔卷九

十六

谿水惡

便水驛早發過沅江舟人云前夜雷雨時有山谿水暴  
長漂失屋廬人畜數十家感愴有作

谿西種田谿東住谿流清淺赤足渡物外炊煙數十家板屋彎  
環水回互人人皆言谿水好淅米灌園無十步誰知昨夜谿水  
惡大雨一天千澗赴懸流十丈窻中來樹飛屋走無人路男漂  
女沒不相知雞犬豬羊竝同去谿水依然平澹流浮尸日出過  
沅州戚黨招魂向何處洞庭東下海西頭

水雲篇

人從山下上水從山上下足力逆水力飛湍人面瀉人從山上  
下雲從山下上入雲復出雲元氣溼泱泱雲流無聲水若雷水  
勢奮疾雲襄徊無心相遇自終古冉冉行人何事來

山坡

山頭墜落斷行路泥水淤澁和艸樹輿夫插足不可拔推輓多時無十步山坡艸屋八九閒鼓傾破碎人無處使者休嗟行路難短吟試擬歌督護

伐木

山氣作雲雲化雨雨過雲歸山是土山中大樹幾千年融洩乾坤雲所祖蝨民伐木心不憐山上種田秧到天雲根將枯雨候薄漸恐人閒多旱年

小樹

大雨吞山百丈斜山隈摧落幾人家中閒小樹渾閒事顛倒生根又放花

渡沅

東洲艸堂詩鈔卷九

十七

今日渡沅江明日渡沅江一日一回渡風橫雨不降五里渡沅水十里渡沅水一日兩回渡雨歇風不止風波雖惡莫畱連行路從來只信天秋江易晚雨又作浪靜風平無渡船

元象

仰睇高峯俛瞰川鳥飛猿渡共盤旋石根水怒水根石天外山驚山外天形色千章亂昏晝虛空一氣作雲煙厭觀人世閒情景元象來窺太始前

晃州贈家菱亭通守

楚天盡處使車催恰喜君先六日來萬里秋風京國夢一江涼雨夜郎杯心勞撫字堪忘老論到文章只愛才卻羨衙齋山色裏書聲長得笑顏開

時諸京師苦游  
並合郡姓來見

晃州

行盡湖南半月程  
秋風吹送夜郎城  
燈前一夜鄉心碎  
卻聽江聲是雨聲

長安月渡黃河水  
送客荆門下五谿  
一片清暉不知遠  
今宵卻到夜郎西

將至黔境賦贈藕舫

珠泉繡嶺鬱縈回

寵命新除學士來

學士典黔試前此所無

星炳文昌齊上國

帝期邊徼得奇才  
詞林根柢欣同調  
使節光華許濫陪  
萬里無雲天似玉  
黔南山色爲誰開

東洲艸堂詩鈔卷九

十八

